

劉氏宗譜

部 巽

7  
下





○蕭二百十三紹禮公傳

今夫傳也者，所以傳永世而不朽也。嘗觀莘野之遺踪，卓越萬世，西山之高節，照耀千秋，是知修厥德於生前者，自無不發幽光於身後也。茲惟我表伯講丙坤字紹禮者，真其可傳者也。雖其年已逝，未嘗身親其規模梗概，而鄉黨之談，親族之說，有可考焉。公爲人慷慨好義，見公事莫不欣懷樂助。所重者莫過於建宗祠一事，當其時經營圖始，皆公爲之倡率，卽費用缺少，公獨出己貲以爲之相

貸則祖先得烝嘗於萬古者皆公之力也斯非其  
功大乎所難者莫過於早失怙兄另爨公合二弟  
爲一家撫之以成立焉斯非其誼摯乎書云友于  
兄弟真可爲公頌焉至於爲父慈爲子孝和親睦  
族敬老慈幼皆公之所優爲者也凡此皆其可傳  
者也厥配胡氏三從克協四德堪嘉事翁姑而不  
怠奉夫子而無違外固樂耕耘於畝畝內亦勤蠶  
織於庭闈不誠黽勉同心而克勤克儉洵足爲公  
之內助歟茲者三槐並茂螽斯衍慶固可嘉已然

後日之寢昌寢熾綿綿延延於勿替者則无可於  
公而預卜焉今當譜牒重修揚不敏無以爲文但  
著其實以爲德行之傳云爾

道光二十六年歲次丙午孟秋月 穀旦

愚表姪邑庠生成顯揚頓首拜撰

飲水

功人乎

為一家

是則


愚矣致昌執土類

直表二十六羊

蕃其實以

公而賈小

數日之



○乘興劉老太公傳

五雲仙都山三鄉第一境也。弟惟乾隆丁未春進士邑尊周揆公請先兄碩菴先生掌教義學。偕友二三追隨講席。路經嚮巖。偶遊初陽谷。不禁有懷美化書院舊趾已荒。考亭先賢朱夫子遺風胥遠。徘徊久之。四邊望盡。懶曰頭萬象收來難下筆。心竊慚焉。轉念昔名公雜詠仙都諸作。良不虛也。大可傳也已。而翹瞻我懿戚劉老太公。講乘興翁。奠居宅里。夙號名區。後踞獅巖宗仙水。前臨練水。

繞金花，豁然開朗，土地肥美而坦夷，意生長於斯者，得毋習吳會繁華，不知唐魏勤儉者乎？殆非也。聞公年甫成童，卽能卓然自立，口不戀肥甘之味，身不慚敝緼之衣，躬耕力穡，春不避風塵，夏不避溽暑，秋不避陰雨，冬不避雪霜，一歲之間，無時暇逸。日暮而歸，常誡諸少壯曰：吾聞養正先生有詩教我吟：鋤禾日當午，汗滴禾下土，誰知盤中餐粒粒皆辛苦。迺知公之勤儉有自來矣。由是家臻饒裕，作室數區，樸素渾堅，不雕不飾，生平正直不阿。



然諾不苟，鄉鄰咸敬而信之。處父母昆季間，更能循分盡情，初無有議其後者。今已壽近古稀，意如綠村紅樹，維彼閒雲白叟黃童，相將永日，可少倦於勤，等懷安之老，公猶不作是觀也。淑配蔣太孺人，黽勉同心，適有符庚之誼，爾其相莊鴻案，慶德曜齊眉，對挽鹿車，喜少君並轡。此又龍雀之環，相對茗華之玉，成雙也。寧馨令嗣，一榜名夢熊，迺弟小孫品元之岳翁也。卽長先伯之甥壻也。早步黌宮，現設射圃，教育羣材，立身淳樸，秉性冲和，內順

二人外敦一族無遠色無疾言交道接禮魯機汜  
 之謙恭可是非否王彥方之正直既不喜鷹揚之  
 會自無忘稼穡之艱諸在城紳士並他鄉友朋咸  
 相與重之殆汪汪千頃黃叔度之流歟賢孫仍一  
 旋克繼父風至曾孫已符燕山五桂而猶未艾焉  
 嶄嶄然露頭角毓秀含馨蹈矩循規幼即知學其  
 冢曾已十有四齡矣俄而五世同堂祥呈七葉行  
 見公也鶴算彌增絳雪之丹九轉鴻禧叠普紫泥  
 之誥齊頌尊達緡陽遐膺天寵豈不懿哉茲者

恭逢修輯華乘，媿弟年近八旬，勿克如先輩，雖老猶駿齒，宿意新，徒以龍鍾，昏瞶，語無倫次，聊表公之勤儉成家，爲善昌後，所謂萬壽攸足，萬福攸同，胥關人傑地靈之致也。云爾。

道光二十六年歲次丙午橘且月 穀旦

郡增廣生例授鄉賓，眷孱弟田瑞禾頓首拜撰。  
咸豐八年縣學教諭余 偉贈以五世同堂匾額。

知豐人辛... 餘... 以... 世...

職... 田... 禾... 首...


崑... 大... 西... 且...

晉... 爾... 知...

... 善... 萬... 同...

... 以... 無... 亦...

恭... 華... 亦... 亦...



○肅二百八十九紹銀公傳

嘗聞立身行己安分爲先處世治家能守爲貴是則守本分者世之難能而可貴者也吾嘗執此以求戚族親朋之中未可多得今觀吾姨丈諱金壽字紹銀名秉熊者殆其人矣其事親也少失怙葬祭卽知盡禮事母承歡膝下色養無虧可謂孝矣雁行四公居其三長兄早已另爨不幸二兄無祿弟亦旋亡於斯時也煢煢乙己敬謹乎二孀撫恤乎五姪葬祭乎雙親勞心爲何如乎其教子也艱

苦備嘗無非義方之訓長尚寬天資敏達矢志純  
修卒獲成名於妬才忌能之中次尚裕亦以詩書  
爲業將來蜚聲庠序又可預卜焉至於建祖廟置  
祀產和鄉鄰睦親族種種盛事難以枚舉而要皆  
公分內事也非守本分而不務乎外者能之乎厥  
配田氏卽蘊之大姨勤儉溫柔相其夫以有成豈  
特敬老慈幼和睦妯娌謹遵婦道已哉今皆年躋  
六甲無異壯年將來之福壽未有艾也夫累世之  
盛德子孫之衆多譜牒具在復何贅焉蘊也誼屬

聯襟數至其家，故知之悉。而言之不文，良自慚矣。  
適聞盛族重修華乘，不揣固陋，聊弁數語，以垂  
不朽云。

道光二十六年歲次丙午六月 穀旦

邑庠生襟弟蔣杼蘊頓首拜撰


昔者聖王之將建國必先慎乎

道也夫道者民之由也民之由

道也

也夫道者民之由也民之由道

也夫道者民之由也民之由道





○岳公行傳

士之垂休光享盛名者，大抵縉紳閥閱之家，功業昭於史冊，勳績著於旂常者也。若夫計不出一身，一家之事，行不越一鄉一邑之間，而鋤兩犁雲，出作入息，不過農家者流，誰復詳其里居，誌其姓氏，而錄其生平，豈知人無論賢哲庸愚，率真者尚，命不論貧富貴賤，敦行者嘉，若是者，余之岳丈紹沛而深足仰焉。公居仙都鼎湖之旁，莊名石筍，舊爲仙都草堂遺趾，其山川之靈秀，無俟贅言矣。公

生長是鄉，秉姿純樸，不役志於功名，不營情於利祿，以視世之奔走於形勢之途，伺候於公卿之門者，相去遠矣。是雖無功業之赫赫，無勳績之彰彰，然而睦鄉黨，和宗族，敦孝友，慎言行，矜孤恤寡，敬老憐貧，雖曰一身一家之事，然使天下一身一家盡如是也，豈非古處之可敦哉？雖曰一鄉一邑之間，然使天下之一鄉一邑盡如是也，不猶古風之未遠哉？鰲也，蒙公翼庇，謬附東床，嘗親炙其行誼，熟聆其言論，竊嘆公之積德若此，不獨公享康強

之福，卽後嗣之昌熾，仍未有艾也。公諱高魁，字紹

沛，昆季四公行三配，岳母俞氏，遠近稱賢內助焉。

生子五，長陳丁，次丁朝，三廷福，四廷揚，五廷堅，孫

三達，邦，栽，歆，源，海，氣，概，俱不凡也。於辛酉壬戌癸

亥數年，而賊匪竄踞縉雲，各鄉驚擾，公避賊在外，

不幸於同治元年，以病終於定明寺，驚也爲賊所

隔，未獲奔喪，終身抱歉，幸令子於賊稍定後，收父

骨，厝於本莊湖背樹林頭，此亦公之平日敦樸厚

道，天所以使之得收骸骨也。獨是四子，不幸早夭。

五子被匪擄陷，現今惟長次三子在耳。嗚呼！以公之盛德，而天不全其嗣子，豈報之有爽歟？抑亦欲厚報乎公而姑以有待歟？鰲也不敏，不能傳公之實誼，亦即前日之所親承者，聊述其槩，以誌不忘焉爾。

同治四年歲次乙丑荷月上澣 穀旦

子壻貢生呂鈞鰲頓首拜撰

○肅四百三十一公行傳

吾縉邑南仙都，山水之勝甲於天下。甲子春，余假館舒洪，秋歸，迂道至華陽，邀苻屏劉君遊小赤壁，沿溪而上，覽暘谷，嚮巖諸勝，概去里許，有鼎湖及童子玉筍諸峰，俗呼石筍。遙望之，孤峰聳地，危石撐天。於時雲輕霧靄，潦盡潭清，倍覺靈異。其前有村名石筍前，地靈者人傑，知其間必產偉人，恨以旋梓，匆匆未獲親歷其境，備採覽焉。丙寅夏，其里劉族華乘重梓，及門，文檄鄭君固婚於其里者，因

以先泰岳諱明發字紹泮翁行狀乞言於余知翁

性渾樸而謹於邊幅始事詩書繼習弓矢屢應童

子試而未博一衿幾為翁惜者乃溯厥由來甫學

幼儀即失怙日恃吳太孺人孤苦相依翁無太

孺人無以至今日太孺人無翁無以終餘年家冗

之羈幾無虛刻復何以篤志雲路跌宕名場也哉

其屢試不就運也亦何必為翁惜然而翁最善治

生與德配陳孺人日夕勤劬歷寒暑不少暇雖奉

萱堂歛親朋必極情盡歡里中義舉亦不吝施舍

而家常有餘積，新堂構，廣田園，不數年，親置田二千餘畝，育子二女，三均已婚適，固可培玉樹，植芝蘭，以享餘年，奈甫逾知命，遽爾仙遊，此則可爲翁嘆息者耳。雖然，不獲享於其身，必當食報於其後。觀其令嗣，長胡金次，樹棠均，覺魁梧英偉，雖曰山川之毓秀，亦翁厚德之遺，有以致之也。他日善承父志，以光大門閥，能無爲翁厚望也哉。今者，劉翁其逝矣，余雖不獲親挹光儀，然捫獨揣籥，諒必有中，謹誌數言，以應鄭君之請云。





○父十五維勳公行狀

公名維勳

字

獻峻

號

特峰亦劉族之翹楚也存心

渾厚器量寬宏方公壯時椿萱遞亡昆玉迭逝門

祚衰薄賴公撫字孤幼勤儉操家廣置產業居同

七十年爨合及四代宗族無閒言有張公九世同

居家法其好施之大過人者若嘉慶辛未與庚辰

時逢大旱鄰多阻饑而族老賢能議捐資以賑貧

公慨然不吝囊橐閭里之貧乏者莫不沾溉焉今

年逾古稀荷

聖朝之曠典，邑尊劉主舉其齒德兼優，冠帶九品。此非公之積善所致歟？若夫庭桂繞膝，蘭孫濟美，振繩繩，克敦孝悌，行見家聲丕振，昌熾正未可量也。今春盛族重輯宗譜，因弁數語，以誌公之行誼。云爾。謹狀。

道光三年歲次癸未孟春月下澣

之吉

眷晚邑庠生楊志鴻頓首拜撰

○父廿八獻芹公行狀

維驥公

字

獻芹

號

丹峰者

今始晤之初

固不識爲

何許人也

憶自曩日

遨遊斯土

見有耕者輒羣相

與語曰

今吾村之

若丹峰者

殆不概見也

其年高

其分尊在人

則未免有驕矜之態矣

而公則不以

尊而凌卑

不以長而傲少

緘默自重

優游畎畝

常

勸人以孝親

信友敦倫睦族

每遇閭里是非

咸勸

息之勿使其訟於官

豈非爲吾族之善人乎

余初

聞而駭之

駭其堪作爲世之儀型也

及至其祠與

二

民國甲申年重修

二

二

二

二

二

之謀面見其雍雍雅度儀範堪親因詢其名答曰

吾維驥字獻芹號丹峰也乃恍然於途之所聞者

若合符節也因記其事以垂不朽云爾

道光三年歲次癸未孟春月下澣日之吉

郡庠生岐山施而仁拜撰

○又廿八燭乳公行卷

○劉公開祖行狀

華陽劉君

諱

開祖

字

國宗

號

青雲者

愷悌人也

幼

穎異

稍讀書博聞強識過目不忘惜少年不專事

經書深可憫者長而懋遷和睦鄉黨故居積數歲

家道充盈焉原配孺人楊氏知書識字和睦娣姒

謹權衡出納惟允洵內助之賢者也厥產三男長

方球次方臺三方振不幸孺人早逝君也神傷幾

同奉倩奈數年縫紉乏人繼娶陳氏陳氏者余姑

妹也亦識大體中饋能任待子女如己出嫁女娶

媳亦云克家矣。嗟乎如君者，乃華門圭竇桑戶樁  
 樞之子耳。言旋井里，不數載，赤手荆業，甲於族中。  
 廓阡陌，構華屋，女適大家，媳聘名門，教子義方，非  
 有過人之智者能若是乎。且家當仙都要道，台溫  
 通衢，遊人逸士，繹絡不絕。凡投刺者，莫不延見，而  
 作東道之主。故亦有郭解之風焉。當有萬生者，  
 邑侯萬公之愛子也。同幕賓三四來訪仙都，路過  
 華陽，時春水泛漲，溪橋路滑，車輿被溺，賴君拯救，  
 延攬入室，易衣設饌，無畱難之色。適 邑侯催科

東鄉過其廬而致謝，贈以匾曰：義高德厚，非君之  
豁達而能致之乎？又且秉性慷慨，取與不苟，凡地  
方一切義舉，亦皆向前，率作其素行也。今也年逾  
古稀，兄弟怡怡，三子皆有專業，然必以耕讀爲首  
務者，其知所本也。三子者，長次耕而且商，三試列  
前茅，咸以大器目之。今雖未售，乎將脫穎而出，進  
未有艾歟。卿也不揣耄年，禿穎不能闡揚碩德，謹  
撰生平之大略如此，爰爲之頌曰：


奮身藐孤，以亢宗祊。逍遙倜儻，率我天常。質直

是務處世溫良祉貽後嗣奕葉彌昌

道光三年歲在柔兆敦牂且月幾望

吉日

眷姻弟八十老人增廣生鄭王卿拜撰



淡其味淡本世三平香身太推而且商三煇  
古蘇只象外計三千首育專業然必以推  
衣一四美衣昔同前率抄其素於世令出平  
器致而游文乎又且素抄刺遊如與不林凡  
東職豈其憲而姓情韻以圖曰蓬高翁風非



○姑丈華山公傳

華山公

諱

大輝

字

國珍

藻之

姑丈也

性

倜儻

正直

不慕榮利，心地光明，而襟期宏遠，有班超投筆之

志。英年入庠，同輩咸仰其風。裁所謂嶽嶽懷方者，

殆其人歟。親翁雲峰公大人，與親母鄭氏安人，

享年特永。姑丈事之維謹，而藻姑復爲內助，盤匱

豐腴，兼能養志，故內外無閒言。其長兄諱國雄，名

播成，均出繼伯父。弟諱大彪，亦身列膠庠，洵可謂

三鳳齊輝矣。乃厥弟中年而歿，幸有姪三愛，恤之

教誨之無異己子故二姪皆得成名

親翁經紀

其家姑丈與有勞焉嘉慶辛未荒邑宰宣奉撫憲賑饑程學師按查戶口姑丈具冊實報宣公信其無僞咸准給領道光壬辰歲又旱內帑已殫而蝕胥爲奸華陽丁口多匿不以上聞姑丈詣縣直稟比戶得以沾恩嗚呼姑丈之有裨鄉黨也多矣且其理公事也慷慨倡率如濟川橋者素有積貯爲修理之費恒苦於以爭端廢常帑姑丈董其事十餘年無漁利之念泯雀角之爭利涉者不賦匏葉


青囊，即青布袋，用以盛卜筮之書。

青囊之法，即今堪輿者看風水之術也。

而常產亦賴以饒裕焉。晚年有疾，辭常務，而娛情  
花木，維以父母之窀穸未卜，為憾。其居心如是以  
視夫忘親謀利者，其品行相越何如哉！古人云：為  
善必昌。如姑丈者，非所謂為善者歟？所以表弟六  
次五早列鬻序，俱有父風。表姪亦眾，峰羅立方，乳  
已有食牛之氣。矧表弟祖奎能成父志，遵青囊之  
法，為祖妣得佳兆，昌熾詎可量乎！今華乘重梓，祖  
奎表弟實裁成焉。藻也目愧無文，溯姑丈之芳徽，  
謹敘其大略若此。

道光二十六年歲次丙午秋月 穀旦

愚內姪郡廩膳生徐文藻頓首拜撰



Faint bleed-through text from the reverse side of the page, including characters like '而常', '衣', '紳', '以', '翰', '筆', '講', '知', '平', '序', '其', '翰', '常', '終', '而', '幾', '靜'.

○鄉進士桂巖公小傳

華陽劉姓者，吾縉望族也。世居其地，山川融會，五老峙其左，姑婦環其右，仙榜橫列，赤壁前拱，其間暘谷迎曦，石舟晚泊，鼎湖太乙諸峰，若列真之侍衛，呈奇獻秀者，筆不勝書。蓋古所稱羣仙之大都會也。清淑之氣，於是焉鍾，故其地世出文人，若雞羣之立鶴焉。族多哲士，遠不具贅，近有朗如公者，君之大父也。望霖公者，君之先德也。隱居不仕，善治生，人產閭里稱世德也久矣。若桂巖公者，世濟

其美大振家聲，洵所稱克家之令子也。君名成坤。

字國祥，桂巖其別號也。生而岐嶷，稍長即能持家。

性坦易，不形人短，不炫己長。每事與先德商確，閭

閭如也。廓宣畝，新堂構，睦鄰里，敬朋友，延師教子，

次第列弟子員，聲聞因而大噪焉。淑配田孺人者，

世家女，與君同庚，相敬如賓。余母族兄妹也。性警

敏，識大體，敬以事舅姑，謙以接娣姒。觴豆腆潔，以

待賓客。凡諸姑姊妹，以及析箸之宗人，罔不交稱

其相夫子以宜家者。厥產男子六，長陳泰，次陳葵。

邑庠生三陳和，邑庠生四陳恭，五陳培，六陳芳，濟業儒六媳齊侍，俱名門淑婉，孫男繞膝，指日五代同堂矣。明歲者六表大慶，舉案齊眉，奉觴稱頌，冠裳燦爛，炫映一堂。想世稱郭汾陽之盛望，不過是也。謂非清淑之氣，獨萃一門者歟。爰爲之歌曰：

仙都之山兮呈奇，仙都之水兮漣漪。川嶽鍾靈兮介壽齊眉，哲士挺生兮蘭桂芳菲。祝三多兮頌九如，舍斯人兮誰與歸。

道光二十六年歲次丙午閏五月哉生明之吉

世姻弟八十老人增廣生鄭王卿拜撰

...

...

...

...

...

...

...

...





○岳父乙精翁行傳

翁諱太藜字尚霖號乙精行義百五十三豐之夫

子卽豐之岳父也壬辰歲岳父設帳豐束髮受書

獲見岳父容貌魁梧英姿磊落進退揖讓間彬

彬有禮度而行誼若何則猶未盡知厥後親炙日

久耳聞目見其居心行事信有可徵者翁爲人好

讀書學類歐蘇才參班馬丙戌縣試全案冠軍奉

朱大學憲補博士弟子員至若事太翁與太夫人

愉色婉容愛敬不渝遇有疾躬侍湯藥奉事益謹

可謂能順其親矣。且與叔翁諱乙藜者友愛最篤。訓之不倦，乃不獲樹幟文壇而謝世。鵲鴿析翼，翁深惜之，撫其幼孤。三曰耿操，曰耿持，曰耿揚。理至成人，終無間言。又可謂能恤其孤矣。與人忠而交友信，固人所共知者也。凡遇公事，必踴躍以赴。故卽宗譜重修，翁能總理其事而不怠。匪特此也。壬寅春，有仙邑人夥貪鼎湖之巖衣寶藏，遂至強取於不已。翁乃極力向阻，詣縣請禁，鄉鄰咸免其擾。累此則翁之大略也。岳母胡氏舉案齊眉，孝翁姑。

和妯娌理陰教而閭政肅然有內行而盛滿是懼  
洵堪爲翁之內助焉夫爲善必報理之常也異日  
者撫蘭玉之森森歌螽斯之蟄蟄食不爽之報施  
爲仙都山水生色固意中事耳豈但令舅四表姪  
二惟次舅載翔文有理致足以接踵嗣音已哉豐  
忝居半子無以爲文謹書其實行以垂不朽云

道光二十六年歲在丙午夏月 穀旦

佾生子壻徐作豐拜撰



○劉仙巖翁傳

丙寅春，有華陽內叔祖劉樹猷來館，命青傳其先考仙巖翁，緣戚誼也。竊念翁厭人世二十餘年矣。青舞象時，僅識翁面，其性情行誼，概未悉，不敢任而不獲辭，命樹猷去。適有鄰叟至，叟亦劉姓，派分華陽族，談論之下，青因道及樹猷欲傳仙巖翁意，叟曰：「此余之族兄也。」蓋傳之青曰：「叟能言之乎？」叟曰：「余與兄雖不同里處，然最契，兄在時，屢相往來，可能道其似。」青曰：「善。」叟乃言曰：「吾兄諱紹友，字國

雄世居仙都之華陽其愛廬適與小蓬萊之仙掌  
巖仙榜巖相對因自號仙巖幼業儒年泊強仕乃  
遊太學性倜儻與人相接不立崖岸尤嗜酒遇親  
舊輒與飲飲則必醉既醉亦不亂又常常誦北海  
句際花晨月夕則執爵賞花舉杯邀月自得箇中  
趣絕無身外累飄飄然有謫僊風以此壽終嫂王  
氏有淑德兄每與客歡飲嫂卽治肴佐酒無吝惜  
意長子郡廩生祖河次祖清今樹猷其少子也至  
其孫男輩則余不盡識矣青避席曰是卽可以傳


矣何庸贅焉。須臾，雙去青遂訂毛純墨卿二友藉  
楮先生錄前語以爲翁傳。

同治五年歲次丙寅 月

穀旦

松溪姪孫壻荷亭鄭選青頓首拜撰







○國志公行傳

華陽又百六十六

講楊彩

字

國志者余之族兄也


余與兄上自來遷之鼻祖傳七葉泰行而派別支  
分至又行則二十有二葉矣歷世雖多同盟猶昔  
初余負笈從遊於左川先生之門也兄與先生家  
洽比其冢君星瀨與余善觀摩誼綦篤兄不時來  
館課問故得知之悉兄爲人正直自持不徇阿比  
樸誠自守不尚紛華無懷氏之民歟厥配饒氏嫂  
內則嫻四德備亦曹大家體也生男二長月華次


月燦月華卽星瀨也。是時業詩書，課耕種，家貲日裕。茂椿萱芳蘭桂，家道日昌。不謂西池王母使青鳥忽來邀，而饒氏嫂逝矣。繼娶李氏嫂，亦婦道克敦。與饒氏類相似。產女一，未及笄，而兄又邀入赤松家矣。迄今繼母孀居，兄弟事之維謹，舉鄉皆稱道焉。回憶當年，兄嘗招飲其家，言行舉止如醉如夢，死在日前，不可殫述。茲當家乘重輯，余與冢君星瀨同校字，見他人行述紛紛，共付剗劂，故不辭謏陋，聊弁數語，以敘其大概云。

同治五年歲次丙寅蕤賓月下澣 之吉

族弟邑庠生尚

寬拜撰





同治五年庚申歲次丙寅歲實具平樂 文吉

謝崇昌率出倫 實拜

國進公行傳

嘗聞存厚傳家率真處世此言爲人宜然而見諸

世者卒鮮若華陽行父百七十七諱長弟字國進

者殆其人矣余先叔父嘗稱道焉謂翁之生平責

己嚴待人恕犁雲鋤雨不辭况瘁養廉守樸不事

浮華余嘗遊仙都身親翁家益知翁之爲人行誼

若可該焉事父母色養無虧待昆季友于可頌且

義方訓子慈惠恤孫處鄉鄰則無詐無僞接朋友

則不貳不欺所謂存厚者非耶率真者否耶胡天

不假之年，未週花甲以終。德配李氏，婦道克敦。母儀足式，孝舅姑善。中饋和妯娌，嫻貞辭。豈特禮容取豐，自奉從儉，足稱內助之賢歟。厥產男四，長月明，次茂和，三茂科，四茂多，俱勤儉操家，克承父志。女一，卽字子姪沛澤。今長男雖逝，其二孫已見頭角，崢嶸將來，發祥未有艾也。予豈敢妄爲推許，以逞浮談，但誼屬姻戚，知翁生前甚悉，故不揣謏陋，略舉其大概，以垂不朽云。

同治四年歲次乙丑荷月

眷弟邑庠生丁景南撰

○尙方公行傳

忠臣呂真主田

忠義

二

板堰之南路隔里許後踞獅巖前臨鍊水鼎湖左

榮五老右峙里名筍川有劉氏諱新衆字尙芳珍

之堂母舅又與珍府君同科遊泮成莫逆交迭相  
往來此珍所由熟識乃父紹典公服田力穡家致  
饒餘而母舅不安逸樂奮志武科早蜚聲於黌序  
真克家令嗣述其生平正直不阿言笑不苟事親  
孝事長悌處世忠交友信勤儉治家慈祥待下  
一切行爲循規蹈矩皆若性成不勝枚舉淑配蔣氏

孺人和妯娌嚴中饋婦道克敦明教育盡恩勤母  
儀足式子一蔣建幼習詩書長勤稼穡女一適臚  
川庠生田品元孫七林朝林余業儒林照林至林  
柱林虎林豹務農曾孫現產有二祖光德懷頭角  
崢嶸資性聰敏將來之發祥正未有艾今者翁雖  
駕鶴仙遊而其品望鄉人猶不能忘焉爰值華乘  
重修特贅鄙語以爲之傳

同治五年歲次丙寅姑洗月

穀旦

愚甥邑廩生田

珍拜撰



○朱漢公行傳

此書宜長觀

朱漢公


從來士之可作中流砥柱挽回風氣者其惟品行  
端方秉性正直者乎家大人居恒屢談世務樂道  
人善嘗呼綸而言曰余之姑丈諱朱漢字尙訓者  
汝深知其爲人否余親見其往來接其言論丰采  
莫不深悉其爲人也生平詩書自娛朝乾夕惕人  
皆以大器目之無何屢試不售未遂青雲之志時  
也命也其信然也故其臨試雖多抑塞持躬不諧  
流俗力奉養於椿萱篤友恭於花萼諧伉儷於琴

瑟有以至天倫之樂事矣。至於朋友則交以善於賓客則燕以樂於親戚則待以款有以見襟懷之浩蕩矣。匪特此也。其處鄉黨閭里間其行誼猶有足述者。公道待人。無論德我者。旣以德報之。卽怨我者。亦以大度處之。見善則稱道勿衰。成人美不成人惡。處事則輕財好義。寧損己而不損人。斯其責己也重。以周其待人也。輕以約自無物我之見存矣。此誠端方正直爲一鄉所仰望也。信乎挽回風氣良不誣也。若此者。宜身膺上壽。可作中流砥

柱胡天不假年，余姑旣亡，幸再配姑施氏，敬修婦道中饋，克盡潔饌娛賓，義方訓子，越數年而姑夫復亡。史云：天之報施善人，何如哉！以故長弟耿操，幼卽以家務自理，比長登入太學，次耿持、三耿揚，俱力耕節儉，以致家多豐厚。且表姪三四，亦嶄然見頭角，發祥正未有艾也。試觀自賊匪擾亂以來，大家巨族不絕如線，而余姑家猶見瓜瓞綿綿焉。今而後，始嘆天之報施不爽也。言畢，綸承命而退。茲適劉氏華乘重修，敬錄之，以垂不朽云爾。

同治四年歲次乙丑 月 穀旦

表好太學生麻光耀率男邑庠生作綸拜撰



身代難翁... 豐且表致三四... 太學太... 綸拜撰

其○施英公序

德行莫大乎恭儉，必實有見於行事之間，乃可謂

能純其德。吾家華陽劉姊丈施英公者，字時卓號

鼎峰，懷抱甫離椿萱並逝，奉太祖母，孝行著於鄉

鄰，先嚴聞而契之，謂坦腹食胡餅，其人足當焉。滴

公家請媒灼拜懇，先嚴許之，繼備六禮奠雁，遂醮

而歸。維時公甫弱冠，絕童心，恭待人，儉持已，挺然

有志於裕後光前，萬一數世單丁，或可於斯爲盛。

然漢有子政，勤事宣帝，徒老傳經，先人之不得志

於時者，千古同慨也。公也，雖堂有垂簾之能，室有  
鷄鳴之警，欲以一手一足善繼善述，恒恐萬不獲  
一。幸而公遇彌，困公志彌堅，公行彌善，事無巨細，  
處之以誠，恭也用有多寡，出之以節儉也。歛親屬，  
接賓朋，惰慢不設，恭而有禮也。勤嫁娶，務葬祭，鄙  
吝頓消，儉而有度也。而且排難解紛，幾若齊仲連  
也。恭之所致者，大指困相予，幾若吳公瑾也。儉之  
所及者，宏其恭儉之實，見於行事者，亦可謂能純  
其德矣。夫德大者，壽必得，德慎者，財必有，德盛者，

後必昌。今觀杖鄉杖國名可登於太學。不知者且以  
以大德頌公。宅第廣衣食饒象可占乎大有。不知  
者且以慎德贊公。七子十二孫女一孫女八句可  
咏夫螽斯不知者且以盛德慶公。魁也不揣謏陋  
際修家乘用譔蕪詞聊嘉其家聲克振以卜昌熾  
於不替云。

道光二十六年歲在丙午六月 穀旦

關川郡庠生內弟楊大魁拜撰

關川照學士內閣書



首出二十六中...

...

...

...

...

...

...



歆，美也。休，善也。

○祖河大舅先生悼文并傳

粵稽盛族陶唐氏之後，受封於劉裔孫劉累，事夏孔甲，在夏爲御龍氏，商爲豕韋氏，周爲唐杜氏，杜伯子隰叔奔晉爲士，氏孫士會適秦，後自秦還晉，仍爲劉氏。士會遠孫徙豐沛，至豐公生熒，熒生漢高祖，猗歟休哉！是殆復爲宗室之親乎？雖然，漢家四百年源流備紀史書，班班可考，外而支分派別，世遠年多，自兩晉迄炎宋中葉，其間族譜未興，殆如僖公以上，甲子與尙書之難爲接續也。姑卽前

賢往事見諸羣書者略舉之以彰厥美彼光燃藜  
杖子政書校閣中法執蒲鞭文饒風聞海內三冬  
生董孝行名標七歲屬文神童譽播戰決百勝道  
堅稱北府之雄榼挈一觴酒德開西晉之頌或八  
駿擅美或三嘏齊輝他若鞭算馬上有士安史學  
才優仰道原豈特白鶴朱霞孝標並譽鍾山昆弟  
已乎此彭城名人令德理學勲猷難以縷述其光  
遠有耀爲何如也求其身居後裔克繼前徽者其  
惟郡廩膳生榜諱祖河懿戚乎緊我親翁太學生

號仙巖冢胤君，卽弟季男俊英，長內舅先生也。言

念舅君氣稟淑清，丰神俊秀，行敦孝友，性具溫和。

千頃汪汪，勿可及已。况乃君才如繡，君學如倉腹。

蟠丹篆腰，貯錦囊其揮毫竹素也。思若湧泉，下筆

成篇，所謂成誦在心，借書於手者歟。文章之外，詩

賦尤精。癸巳季春，陳宗師歲試，選入上庠，劇贊賞

之。覆試畢，仍傳入面試，以文且欸，壺餐而出，洵千

載一時也。旋命赴省，送敷文書院肄業，輒膺褒賞。

次年科試，卽列優等，入廩堂正場，批曰：情文相生。

筆意有似名手。評覆卷云：一片機神，在先輩中與周萊峰爲近。厥後諸試，累拔前茅，制藝精華，膾炙人口。宗師季評其文曰：筆致靈活，駘蕩風姿，韻語雅秀，稱其詩也。餘不贅述。此結綠青萍，已登卜薛之門，而增價宜。其榮膺鸚薦，宴列鹿鳴，以觀光上國，正未可量也。詎乙巳初夏，吳大宗師歲試，居上卷之二，不足爲舅榮。近設帳家塾，從遊未多，錄選而入庠者，一科喜聞其二爾。投時利器，良以立教有方也。試畢，發落頌詩題一百課，闔郡諸生，吾舅

床

談經正藝之餘，或刻燭成篇，或叉手成韻。六月中  
百篇均就，未經呈解。俄而卧病在牀，及九月十七  
日，遂溘然賫志而終，可哀也已。其合家捶胸心之  
摧矣。彼長逝而焉知涕，旣隕之將大招，其何術慟  
哭失聲，尤所不忍言者。嗚呼！探河洛之源，抱溫恭  
之德，實學品題，宗匠才名，賞鑑盛時，竟使椿萱在  
上，慘幾喪明。蘭桂在前，孤等無告。彼蒼其可問乎  
哉！回憶己亥暮春，七旬有一，蒙舅玉趾親臨，次晨  
賓朋已散，與舅晤談逾時，問曰：近作新詩否？因出


諸詩草并文稿二。逸舅尊目，意請指教。刪裁謙讓。久之閱畢而首肯，卽持文稿二篇，雨松亭懷古廿四韻帶入袖中。午後辭揖而去，仰見君之嗜學，不棄糝糠，何期一別之際，遂作永別之悲也乎。昔崔珏以七律哭李義山，次聯曰：詞林枝葉三春盡，學海波瀾一夜乾。白樂天夢元微之故友，其詩有云：君埋泉下泥消骨，我寄人間雪滿頭。弟今於舅亦深同此慨也。然吾聞君子能爲善，不能必其獲福；智士能保身，不能必其獲壽。是以昔冉伯牛、顏子

淵並以天亡致尼山之嘆賢哲且然豈非命哉竊  
思楊子草元之學見賞於侯芭史公石室之藏終  
傳於楊惲先達之幽光必發然也以舅文行可風  
允堪不朽奈旣渺焉其人如玉誰頓芻束吁安仁  
遠矣誅筆未聞庾信遐哉銘言孰贈畱皮乃豹顧  
如斯乎所可慰者旣雙珠之並出逾一紀而同登  
則爲善必昌有作必述自有明徵君亦當瞑目矣  
爰不揣荒屨已甚劇抒病慕之忱表揚夫萬一不  
禁江州司馬淚濕青衫

道光二十六年歲在柔兆敦牂荷月初候之吉

郡增廣生例授鄉賓媼孱弟田瑞禾盥手敬撰

率男國學生俊英稽首拜奠





○悼劉生祖河文

○

○

○

噫，余老矣，年八十，殆將死矣。頭腦冬烘，無聞於世，無惠及人，可以死矣。何竟不死耶？若君者，不可以死，乃忽死耶？君生而岐嶷，稍長，工舉業，善詩古文，詞愛書如命。少年食餼黌宮，陳少宗伯見而奇之，乃送武林崇文書院肄業。於是聲名益噪，論者謂其將來名題雁塔，爲王朝之柱石。卽不然，必繼傳經先生，爲後學之津梁也。奈何以年未四十，高堂髮已蒼蒼，妻子幼弱，家業儉嗇，正有作人之志，何

竟賚之而歿耶。嗚呼，傷哉！夫天生物因材而篤，既已生之，何卽死之？既卑如是之才，何又使之不克壽耶？既不壽之，何如勿生之？之爲愈耶？其生之也，何心？其死之也，又何意？真所謂在天者不可知耶？

陳希夷先生云：名者造物之所忌，其然焉否也？吾無暇與辨也。所可傷者，吾儕老人，生無華廬車裘之奉，而又畏見一切後生得意之士，况乎老成日凋，目無故人，惟君樂余忘年之交，頻頻過從，相與談洪荒海外之事，以消我殘年，今並奪之而去，悠

悠蒼天謂之何哉君諱祖河字瑞清號左川配杜

淑人生男二女四俱幼

道光二十五年歲次乙丑菊月庚吉日

與吾心悲仙都逸老鐵硯鄭王卿泣書

又恭輓

零。左川一兄仙遊吾郡廩生理齋虞熱爨

暫違只道竹平安忽報仙遊淚暗彈似我愁腸何

處遣期君覲面此生難不堪思舊臨秋晚誰復談

心到夜闌玉樹長埋應共嘆交情況是篤芝蘭

心又

邑廩生李正卿

哲人其委涕潸然宿草霜封倍可憐  
豈意生離成死別何堪此日憶當年  
素帷蕭瑟風清夜丹旄飄零露白天地下  
修文君有分嗟予俗慮不勝牽

又

邑廩生直堂朱璧奎

與君心迹最相知生別偏成死別時  
異日春風誰問字今秋夜雨孰談詩  
雲山寂寞情彌慘水月淒涼夢亦悲  
豈是才人多命薄天公不與壽期頤

又天監文獻侯 邑廩生桂堂王翰

幾載停雲感夙因。何期泡影証前身。青氊席上畱  
遺蹟。白玉樓中署雅人。夢裏懷君秋雨夕。讀餘悲  
我曉風辰。存亡異路何堪問。冷月仙都好水濱。



廩餼，由公家供日用也。

○華陽靖庵劉翁傳略

靖庵劉公者，青之泰岳也。公諱祖奎，字克均，別號靖

庵。其鼻祖於宋建炎間，客居邑之華陽，遂聚族焉。

傳至公二十有三葉矣。祖壽官，諱發元，父邑庠生。

諱大輝。公雖多昆季，而幼而沈毅，好讀書，能文章。

祖若父於公，獨鍾愛。年甫弱冠，聲蜚黌序，名列冠

軍。時與堂弟左川先生齊名，俱為前輩所器許。此

時青甫束髮受書，然公之聲名久已藉藉矣。乃左

川年未不惑，而天奪之算，止食廩餼。厥後公亦數

奇多累，僅補增廣生，所以然者，公早丁外憂，又先  
大父與先大母靈櫬俱未扶，思爲卜兆，嘗曰：「此事  
非可旁貸，以是舍詩書，遍遊山水，多歷年於沐白  
山之麓，得牛眠地而安厝焉。」元配王氏柔順安貞，  
謹事舅姑，其德性實足以配公，乃舉案方欲眉齊，  
援琴忽傷絃斷，於時鴛鴦偶喪，鸞鳳孤鳴，公幾不  
欲再娶，然止育三女，而未有子，因喟然曰：「不孝有  
三，無後爲大，吾固不得不娶，但邇來女子多華飾，  
鮮樸實，余性所不欲，乃越二十七月後，而擇聘朱




氏朱性尤節儉。裙布荆釵，躬操井臼，不啻梁鴻之  
得孟光也。繼育四子，長成勳，次成烈，成熹，成燾。公  
五弟郡庠生，諱祖藩。年甫有室，未爲燕之貽。已兆  
雞之夢。因語公曰：吾將效螺贏之負螟蛉焉。然公  
惟祈弟之病起也，未遽許之。不幸弟將易簀，公握  
手泣曰：吾非不與汝子，萬不料汝之不起也。汝旣  
如此，吾又何辭。乃以次子成烈許繼焉。公之行事，  
不能盡述。卽是以觀其孝義友愛之誠，概可知矣。  
至其處亡接人之際，則又耿介自持，正直不諱。居

鄉曲不苟合，一生舉動類如此。若夫嫺陰陽，精岐黃，則又公之餘事耳。吁，公今逝矣，青猶憶曩日每一造廬，公輒與青道古今論詩文，津津有味。正如古人所謂與公終日語，勝讀十年書也。公生嘉慶丙寅，迄同治壬戌避亂旋梓後，以疾終於正寢，爲壽五十有七歲。今後嗣雖未有，列膠庠者，然皆勤儉操家，克宏先業，將來未有艾也。青也不文，何能傳公。但叨侍東床，親炙有年，知公最悉，而公又自有可傳，故不辭鄙劣，謹陳所述，以誌不謬。敢曰乘

龍聊思附驥云

同治五年歲次丙寅姑洗月 穀旦

子壻庠生鄭選青頓首拜撰



...

...

...

古人所謂與公終日誦勝讀十年書也公生嘉慶

丙寅迄同治壬戌避亂於村後以疾終於正定為

壽五十有七歲今蓋嗣雖未有列聖序於然

...

同自昔年錄大丙實故我且一幾且

蕭柳思州難云部少...



哲百二十一 公行傳

劉翁諱鄭泰字載勳者，卽與予同學貴朝甫之家。

嚴也。予曾設館舍，翁送予來遊，頻經敘會，已知翁

素翁狀貌和柔，衣冠古雅，宛有上世之遺風焉。生

平存心厚，處衆和，語言慎，制行方，其責己也重，以

周其待人也輕，以約其接交也。詐僞不相參，其取

舍也，毫釐不敢苟。翁之爲人，其庶幾乎配安人田

氏能敬且和，恪遵無違之訓，洵稱賢內助也。堦前

棣萼聯輝，予每稱難兄難弟，設非翁之祖宗毓鼎

湖之精英鍾陽谷之秀氣而有是餘慶乎今翁雖  
 化鶴而緬想其為人不禁愛之重之而心焉慕之  
 適值盛族重梓珍因不揣謏陋聊為數語以誌其  
 大概云

同治四年歲次乙丑菊月下澣穀旦

素愈知滋味柔文碧川增生徐國珍頓首拜撰

...

...

蓋。岳丈諱陳培公行傳限前無時于之與者

吾縉南鄉山豐隆而厚水縈練而馴人生其間者  
多尙樸實風氣爲之實山川鍾毓之也仙都華陽  
踞暘谷嚮巖之雅藉蓬萊赤壁之勝山水之靈秀  
莫此爲最居是地者所以多敦樸篤實之士彭城  
郡哲百八十八公國學生諱陳培名祖章者是模  
之姑丈亦模之岳丈也生長於斯最得其秀敦樸  
渾厚篤實無華性嗜酒不以必醉爲期志好閒而  
以古風自處不拘拘於名利不屑屑於短長至於

敬事父母，友愛昆季，皆若性成，不假勉強。遇親戚鄰友，有美舉者，皆能爲之贊成。村中人咸稱之以醇厚人也。不幸天不假之年，未強仕而遽仙遊。膝下僅遺一女，未獲破梨之慶，則岳父之抱憾九泉下者不少。幸岳母才而有德，不獨矢志無異，而且操家有要，調停事務，巨細咸周。歛納親鄰，聲稱不朽。至於葬祭岳父，嫁女歸模，其禮數之周詳，皆岳母才德之所由見。人謂之女中堯舜，巾幗丈夫者，蓋有自矣。今也，嗣繼有人，則前無抱子之慶者，今



得抱孫之喜矣。岳父忠厚之所留遺，實岳母勤儉勞苦之所由致。天之所以彰其後也。茲因盛族華乘重修，模雖鄙陋，不揣管窺之見，而聊爲之誌。

光緒九年歲在昭陽協洽小陽月 穀旦

內姪壻邑庠生丁鴻模盥手拜書

...

...

...

...

...

...

...

...

...



○哲行百八十二祖輝公傳

內似京職四盤兼

余應童試路經華陽見鼎湖五老諸峰特峙東北  
雲關八仙之巖環繞西南鍊溪縈帶笏石摺紳蓋  
仙都秀氣聚會於斯意此中必生異人及後會吾  
兄於五雲書院知其心存厚道貌近古風語言簡  
默品行端方晉接間彬彬有雅度焉詢及族里則  
知向所謂必生異人者其在吾兄乎吾兄名月華  
字祖輝星瀨其號也讀書通文藝視遊泮而無難  
毋奈粵匪犯境兵燹迭遭房屋灰燼田地荒蕪不

得已專爲生產計而事於農春雨催耕夜燈課讀  
不數年家稱少裕焉而又念切報本時與族人商  
曰君子營宮室必先宗廟今宗廟被焚弗急重建  
何以妥先靈於是高其義舉兄爲總理鳩工庀材  
期堅求固廟貌聿新焉重修宗譜復舉兄爲校正  
從是格非去繁就簡昭穆不紊焉且爲人莫先於  
孝悌兄雖慈幃早背嚴君又相繼仙遊不得終盡  
愛日之誠而獨能孝事繼母友愛胞弟真可爲之  
詠蓼莪歌棣萼者矣先娶朱氏內則克嫻四德兼

優生子三，陳雄、陳春、陳然，俱同心合力，勤趨東作。繼娶李氏，出自名門，德性柔順，孝舅姑，和妯娌，相夫教子，媿美敬姜，復舉一子，曰陳興，矢志讀書，當時稱爲千里駒，將來採芹食餼，攀丹桂，着綠衣，可預卜也。現今孫男六，均頭角崢嶸，足散人懷，因不慚謏陋，聊書實事，以表將來云爾。

光緒九年歲次癸未中秋 穀旦

欽賜舉人候選知縣正堂壽登百歲，邑東白竹龍溪知弟閔仙盧步瀛拜撰。

於顯學大勳彭彭五堂壽登百歲邑東白

光諭此平遠太發未中赫赫錄且

漸漸團團書實事以委派來元爾


既平出題今將良六世願良執執且婚人鄭因不

物蘇為千里颯然來社共食翰攀丹桂香縱交

夫與平淑美妍美財舉一千日則與夫志

辭琴李刃出有門燕封案賦率良故味賦數

獨坐采三刺華刺春刺然斯同心合以



崑潭劉翁傳

仙都之華陽劉氏以今歲重修族譜其族凡生前  
行誼可述者歿後許登實錄不然則否以此外弟  
劉禮科來告余曰人生不能顯親揚名榮及先人  
而又聽先人之行誼湮沒無聞罪莫大焉我父翁  
崑潭已久謝世庶幾詮次一二以垂不朽是賴吾  
子因按翁諱瑞豐字貴玉別號崑潭年八齡便失怙  
弟妹更幼母氏田矢志靡它翁謹遵母訓始業儒  
因堂上寡獨不忍出就外傳以故不成文章及長

容貌魁梧，改習弓矢，甫逾弱冠，遂入郡庠，復輸粟，  
成仲弟名，及時嫁妹，厚備妝奩，咸得母之懽心焉。  
母屆六旬，卽爲母請旌，建坊作壽，親戚來賀者，嘉  
賓滿堂，款待甚盛，不失禮，母亦怡然。母以壽終，翁  
且孺慕如少時也。家事旣理，及出貲爲首建龜背  
立武廟，以爲一村風水計，又獨出己貲，造雙谷坑  
口橋，以濟不便，其行事卓卓可觀，類如此。辛酉賊  
匪擾翁，親率鄉兵拒賊，勢不敵，爲賊陷，不屈久之。  
賊感其義，贈以金肩輿送回，及旋梓，不料村中房



屋廟宇盡被賊燬，嘆曰：恨吾力不逮，不能盡殺其賊，以至於斯。卽鳩工再造房屋，爲子孫計，復爲首建本保村人賴焉。不幸年幾五旬，一病不起，將易簣，猶眷眷以訓子屬余。蓋余之大母，乃翁之從姑，翁之元配，余之從姑，而余之先室，又翁之姪女也。故於翁知之悉，但不文述其實，以勗後人。至支圖中翁之有可考者，茲不贅。

光緒九年歲次癸未臘月 穀旦

通家眷晚鄭選青頓首拜撰

夫辭以事為心終未暇且

中餘之有可善者故不贊

其能無味之悉且不交其


余之云望余之於故而余

蓋余之大母也余之

數年與人無不辛辛

煩以字無煩唯賦王再

氣願字處妹想歎類曰



桂巖劉翁六秩榮慶

六秩榮慶

六秩榮慶

丁未葭月，劉子祖漢謁余於梧源崇經書室，請  
曰：是月晦前六日，係家嚴耳順誕辰，戚友登堂  
稱觴介壽，乞夫子數言，懸諸堂第，以爲里閭光  
文，更以畱雪泥爪，幸先生無吝金玉。余曰：子曾從  
余而入庠者也，翁爲東主，余忝西賓，誼不容辭。  
緣是不慚禿穎，撫其生平，以爲賀軸云。

伏以籍隸仙都，家居福地，鍊水帶環，湖峰鼎峙，山  
水之間，樂醉翁，左有峰，名五老，羲皇以上，懷雅侶。

右有巖號八仙，暘谷召朝煙之景，昆潭泛夜月之  
舟，氣象清時現奇峰之六六，溪山佳處通曲徑之  
三三，是蓋地之靈者，其斯人之傑歟。抑且宗功彪  
炳，祖德芬芳，帝業成夫，斬蟒文心，擅乎雕龍躍馬  
之奇逢，傳自昔，贖牛之廉德，頌於今，示辱用蒲鞭  
仁慈羨南陽，太守吹照燃藜杖，星宿耀祿閣，名賢  
一榼一壺西晉酒，德之頌，百戰百勝北府軍，威之  
雄，夫既有光於前矣，而豈無裕於後乎，亦惟我翁  
能秉山川之鍾毓，克紹祖考之箕裘也。翁諱國祥。

字成坤，桂巖其號也。明經中之善士，名教內之完人。夏清冬溫，事親以孝，以順夜燈，春雨教子，惟讀惟耕，廓阡陌則良田，露沃肯堂，構則厦屋雲連，謹慎自修，持一世危階不履，強梁不與較，終身訟累無侵，禔躬見稱夫鄉里，循例備用夫良一斑，徽朝廷旗飄紅樹竿頭，龍蛇影動扁鐫青磚，門口蝌蚪文雄，所以黃邑尊旌以耕雲讀雪，林縣令表以璞玉渾金，不但尹學師以樹德務滋，彰其言行，余訓導以惠恤枌榆，昭其慈愛已也。安人田氏，係雁

門淑女稱鴛配之宜人諳三從嫻四德孝舅姑和  
娣姒閨閣良媛巾幗丈夫宜其夫婦齊眉雙星週  
甲孫男繞膝四代添丁桂子叶燕山五枝香增一  
朶蘭孫擬漢苑九穗秀解雙莖之子最良入黌宮  
者已符二宋乃孫都俊步璧沼者先見一班婦兮  
挾瑟堂中三對之綺羅楚楚女也擎珠掌上顆  
之晶潔瑩瑩可意人在東牀坦腹問安者惟南面  
點額今也兩朶仁壽花開剛逢月子一堂衣冠錦  
燦慶賀生申不讓彭祖八百遐齡共祝南山之椿

壽有如孟嘗三千。上客同傾北海之瑤罇。堂上宗親拜祝。無不叔之伯之。祖之公之。筵前戚屬歡呼。皆曰。福也。祿也。壽也。喜也。喜今日得名得壽。高披香山九老之圖。卜他年杖國杖朝。定膺紫閣三錫之寵。謹祝。

道光二十七年歲在疆圉協洽。葭月上澣。穀旦。

優貢生候選教諭琴堂吳廷綸拜撰

山... 之... 人... 三... 德... 四... 德...

甲孫與... 發貢主... 勤... 錄... 寒... 堂... 吳... 五... 餘... 拜... 贈...

直... 二... 十... 山... 平... 數... 亦... 顯... 固... 謝... 命... 尊... 民... 士... 樂... 且... 日...


玄... 龍... 乃... 義... 德... 步... 聖... 治... 者... 有... 見... 一... 班... 虎...

香... 山... 式... 孝... 之... 圖... 小... 幽... 幸... 林... 因... 林... 障... 室... 氣... 茶... 園... 二... 松...

昔... 日... 臨... 州... 漸... 出... 壽... 出... 喜... 出... 喜... 今... 日... 吟... 子... 吟... 壽... 高... 姓...

縣... 拜... 厥... 無... 不... 殊... 之... 計... 之... 脈... 之... 公... 之... 登... 前... 氣... 風... 燭... 四...

壽... 有... 收... 孟... 營... 三... 千... 王... 容... 同... 酌... 出... 嶺... 之... 紅... 輪... 堂... 上... 宗...





○祖漢公行傳

文登

文又

文

言有約之於生前踐之於身後俾子孫若持券而合者詩書之姻好非偶然也伏念劉氏太翁諱陳葵考諱祖漢號春山先大人與共筆硯偕入黌宮太翁家門祖業豐裕爲人則清高其志淡薄其風取與不苟晉接以和先大人言之最詳余是以聞之熟也歲科兩試先大人郡邸談心與太翁坐語秉夜詢及家小太翁自述正室田氏尙未有子如字賴氏甫育一男乳名澄淦年止教數遂躍然曰

雅不得女兒，配合訂芝蘭之婚姻，爲此生之抱缺。是太翁與先大人莫逆之交，余以知之悉，迨數年後，粵匪蹂躪，巢踞東南，太翁殉難，先大人歛獻，憑弔，余是以誌之。今夫尋常子弟，家鮮蓋藏，幸而薄取一芹，隨與世浮沉，逞奢鬪靡，徇利忘義，矜己凌人，一旦稍臨利害，輒降身以相從，此固鄉里所不齒，而其人反自誇得意，聞太翁之梗概，亦可以少媿矣。歲癸未，余二男三十日壯計及受室，年姪丁鴻模道及太翁孫女澄翁生女及笄，未字，余命執

柯卽委禽焉。雖云月老傳書，抑詩書之夙世姻好也。興忝沐眷姻，不揣謏陋，用抒鄙言，聊爲之傳。

光緒九年歲次癸未冬至前三日

眷媼弟廩生呂興拜撰

雖不... 與余... 之... 之... 之...

是... 與... 大人... 之... 交... 以... 知... 之...

後... 匪... 其... 器... 東南... 大... 翁... 獨... 先... 大... 人... 前... 而... 亦...

而... 余... 是... 以... 誠... 之... 今... 大... 尊... 常... 子... 弟... 家... 無... 蓋... 誠... 幸... 而... 亦...


取... 一... 片... 隨... 與... 世... 浮... 沉... 運... 泰... 關... 靡... 徇... 利... 忘... 義... 矜... 己... 凌...

人... 一... 且... 稍... 勝... 利... 害... 輕... 眷... 職... 策... 莫... 主... 呂... 與... 較... 豈... 不...

大... 滿... 其... 事... 效... 太... 矣... 未... 冬... 至... 前... 三... 日... 之... 間... 亦... 曾... 以... 少...

出... 興... 添... 於... 眷... 匪... 不... 誠... 簡... 用... 特... 漏... 言... 唯... 為... 之... 幹... 可...

味... 唱... 奏... 於... 語... 難... 忘... 氏... 學... 翰... 書... 味... 精... 書... 文... 風... 世... 賦... 我...



順彰公傳

三鳳騰

三鳳騰

三鳳騰

三鳳騰

癸未之冬，一陽始復，適往華陽表弟家中，問及譜事，爰有厲君邀之，含杯共酌，道古稱今，未幾更闌，酒酣，厲君向芳而言曰：蓋聞木茂者根固，流遠者源深，觀其後嗣，可知前人，劉氏之家聲舊矣，盍亦念及順彰公之盛德乎？芳曰：公之盛德，其有傳乎？君曰：未也。芳曰：公諱順彰，字時成，芳之顯祖，聯襟弟也。既忝葭莩之末，安得不爲公傳？但生也晚，公之立身制行，難以名狀，試請言公之所最難者，壽

考焉康寧焉子孫焉公恩授登仕郎享年八十有  
一髮配孺人鄭氏享年八十有六並卜吉於仙巖  
舖之原詩詠偕老史記齊眉公其有焉公自少至  
壯災祲不臨身藥石不沾口行不假夫鳩杖貌未  
見其龍鍾蓋形全由於天全而作福基自作德宜  
乎年彌高而德彌邵也表叔五長鳳池次鳳梧杖  
共扶鳩尚舞班衣於膝下髮同化鶴猶進香醴於  
高堂四鳳標五鳳鳴年屆服官事親則孺慕依依  
敬兄則協和怡怡三鳳翔早逝表弟三永燦誥寬

誥諧表姪三陶容陶興陶柱俱善繼善述克繩祖  
武惟永燦持己有方接人有禮粵匪擾攘獨任其  
勞伯叔壘篋悉賴其力上營佳城於二老窀窆增  
光下嗣宗祧於五枝芝蘭毓秀公之盛德流澤不  
亦孔長哉爰爲之贊曰見公之壽考兮知公之積  
德而修身頌公之康寧兮知公之養性而存心觀  
公之子孫兮知公之積功而累仁緬公之居心行  
事兮歷千萬載而芳芬

光緒九年昭陽協洽葭月中澣

穀旦

首我





○瑞京劉公行狀

○瑞京劉公行狀

瑞京劉公者，郡廩生左川先生之季弟也。先生爲一邑名士，家設絳帳，桃李盈門，所推許多不虛其堂弟。訪台公最親炙，少年卓異，天姿過人，長於詩賦。先生尤見珍愛，星瀨公共追隨，刻苦讀書，爲人忠厚，先生亦重之。瑞京公雖稍有遜，俱使侍左右，期以大器。乃天不永先生以年，未盡所裁。訪台不攷儒業，終惹芹香。星瀨屢困名場，卽歸田爲教子計，而瑞京公竟棄毛錐，習弓矢，具有大志，豈知命

運限人兩試不得博一衿。此公之數奇無奈也。後乃無心功名，習業陶朱，能居奇貨。淑人楊氏有婦德，相助爲理，哲嗣四長，亦能負薪，以茲家至裕如。此公之善治生產也。無何，粵匪犯境，公陷於賊。幾三年，不爲賊用，亦不爲賊害。轉徙日久，依然無恙。旋里，此公之明哲保身也。是時蹂躪初息，骨肉分離，前所積家財一歸烏有。公再拾餘燼，作生計。天倫重聚，堂構聿新。女嫁男婚，事事咸宜。迨復喪殮，有餘，卽輸粟以例入監。前雖失之東隅，後乃收之。

桑榆此則公之晚年美景也更可取者兵燹後重建宗祠更修廟宇公亦同理事務竭盡心力俱井井有條無一毫損常利己之心所以鄉人信之類高山仰止焉此又公之急公慕義也凡此皆公之實有可傳者今公往矣當議修族譜公猶在商議中不意於本秋遽謝人間享年六十有二將易簣尚兢兢以譜事囑族人則公之爲人亦概可知矣愧余不文爰其子習賢持訪台公所草節略以來因銓次之登諸譜以志不謬

光緒九年歲官昭陽協洽嘉平上澣 穀日

將余不文愛其優行廩膳生眷晚鄭選青拜撰

尚慈慈以精事勳燕人限公之為人亦澹而味矣

中不意飲本林獻精人間享乎六十有二深長壽


實育平朝昔今公卦笑當藉慈燕精公盛亦商籍

高山仰止焉此又公之益公慕蓮此以地首公之

非齊新無一壽財常降守之山湖以應人言之勝

數宗師更勤願字公亦同駐事德敬盡心代財其

桑餘此限公之知平美景出更何難皆其愛翁重



閩操人譜之

譜例婦人不立傳，惟有閩操者始爲立傳。蓋婦人之品以節爲先，而亦以此可樹風教也。舊譜載有其人，然閒出於行傳雜文之中。今以所見聞而稍繼以近，今照譜例立閩操一門，亦可以少裨世教也已。

○徐氏母，不幸夫早歿，母年少不肯再嫁。母徐氏，係康二十公，諱樸，字懷略之妻。早年卽寡，以節自誓，至老不易志。撫子燔成立，無墮家聲。

光緒○鄭氏母不為志無干欲求立無對

母鄭氏係康二十四公講憲字懷富之妻入劉門生

二子曰煥曰燭不幸夫早故母年少不肯再嫁

居四十餘年撫二子成立終無二志

○周氏母講立閨塾一門亦可以少終世

母周氏侍御公之孫女也適劉公講玉字任懷入劉

門甚得婦道不幸年二十四而夫故子澗又幼母

甘勤苦而撫之日夜紡織極力務家至晚殷足男

復成立鄉人稱之

朱氏母家且嘗有以母丑之也後世千八百

母朱氏爲朱君德光之女自幼儆睿能翼順尊上人  
舉室悅之父鍾愛擇所宜配劉君文輝聞之委贄  
爲男銛求配旣歸闔門稱賢雍遜有儀進止有則  
事舅姑抑抑恭順妯娌間雖遇梗戾未嘗渝婉婉  
之意銛頗奇俊負丈夫氣不肯少抑以從里之痺  
媚子母嘗以剛宜吐柔宜茹爲告銛獲戒止遂不  
復顛潰後銛疾母治湯藥惟勤旣而溘然不起母  
抱子哭柩旁哀懇平昔所以愛子與教子聞者莫

知涕之烏從。時年三十有七，生五子，一女，幼者甫  
晬，自是劬志，抑首命長子視事，了租庸，謹桑穀之  
場，治絲積粟，以資婚嫁，及姻戚賓從之需，猶有贏  
餘，人謂之賢也。而長其子而起其家，門戶無兼併  
之擾，庭幃有孝謹之風，謂不有母而能獲見此於  
銛沒之後哉。今母年六十有八，壯強如少壯，含飴  
備腴，以享福祉，皆由其有德而保佑自天也。母長  
子宗邑，與予誼，獲相知之雅，不幸早殤。次三子，皆  
卓然能有其家，且告予以母氏之劬勞也。予乃次



第述其令善者作賢母傳

○朱氏母

母朱氏父孟貞世居仙都之名山宗胄繁碩以清顯  
聞母生自良族幼柔婉敬順不少踰於禮則比及  
笄父為擇所宜配以歸同里劉君宗智宗智故士  
族子萊蕪縣令鏗公之長子也篤慎貞信克勤於  
學期自振奮以光先德母既歸溫順以承上慈惠  
以字下主中饋供蘋蘩相助為理咸得其道生子  
懷操甫三歲無何宗智遭疾卒母年止二十七晝

夜撫子號慟。若不能自全者。旣而嘆曰。我爲劉氏婦。旣不幸。不及備敬養之道。以事其舅姑。又不能遂偕老之志。以相其夫子。蓋亦使其子有成。以不墜先業也乎。於是屏去鉛華。編髮椎髻。閉戶不出。惟終日治麻枲。躬紡織衣。敝食糲者四十餘年。睦婣任恤。備以訓飭其子。子賢受訓。卓爾樹立。漸至家室饒裕。母今年七十。獲子孫之養。歲時觴薦。怡愉膝下。人咸慕之。以爲高風勁節。人所難能。母能有所苦於前。自有所樂於後。天之佑善。抑豈誣也。

哉

天順六年臘月望日

賜進士出身

欽差巡撫廣西兼總督軍務通議大夫刑部右侍郎

同邑李棠書



收... 不... 而...

... 不... 及... 以...

... 借... 之... 以... 相...

... 是... 也... 子... 於... 是...

... 日... 治... 麻... 事...

... 蓋... 燕... 費... 西... 集... 蘇... 管... 軍... 薄... 匪... 難... 大... 夫... 賦... 賭... 古... 粉... 粉...

... 士... 出... 良... 事... 今... 年... 七... 十... 復... 年... 之... 事...

... 天... 即... 六... 辛... 丑... 日... 望... 日... 為... 日... 以... 勤... 節... 人... 所... 難... 能... 母... 母...

... 婿... 所... 書... 於... 前... 自... 有... 所... 樂... 於... 後... 天... 之... 佑... 善... 坤... 貞... 也...



○鄭氏母

母鄭氏，松溪世族。父諱尹，母董氏。母自幼貞淑，跬步不出閫闥，且聰慧，侍母習嫻。內則工刺繡，暨操縵機杼；父母極掌珠之。既笄，歸華陽劉君宗迪，故大家子也。入門，綽有禮度，僉賀以爲門得賢婦。平居安詳恭謹，祇承姑命，得其歡心，且鷄鳴戒旦，以相夫子。處妯娌，怡怡翕合，待臧獲嚴而有恩，不幸年近三十，宗迪溘逝，遺孤甫餘晷，母抱之哭，痛欲墮命。旣而思曰：命薄而失所天，倘繼以死，其如遺孤

何於是謝塗澤屏綺麗孤燈空幃茶蓼自甘絕無  
二志維紡紝操家以誨訓其子為事歷年既久子  
有成立而母亦晚景優游斯為全節之可表者矣

康熙三十年歲次辛未夏月熿心且綏勳無旦以牀

宗于出大門韓育甄與愈賢以玉阿朱買煥撰

懋升父母蘇掌耘之稍我無華烈隆吾宗鼓效大

不出閭閻且鄭憲并掛督職內限工陳蘇豐射懋

丑灑丑蘇烈世燕父籍氏母董丑再自處貞琳掛世

○順丑科

○鄭氏母

母鄭氏，庠生士吉公之妻。宏昌宏暹之母也。母名門女，姆訓既嫻，又士人婦風節尤厲。其前之孝舅姑，順夫子，和妯娌，慈孤幼，母素裕而無待縷言矣。士吉公逝，母尚年青，而曰：「明日進俱少，母苟不以節義自矢，又誰執柏舟之義而苦責之哉？」乃母也不徇流俗之見，而直以古人自許，矢志靡他。如荼如飴，歷兵火患難，而心如一日。且和熊三遷，俾二子卓然成立，爲之婚配，各生兩賢孫。母至是，可以報

士吉公於地下，而士吉公亦九泉有光也已。有母如是，感激仁義。子婦景從曰明，事母至孝，與弟同居，極盡友于弟，早喪撫二姪如己子，延師教誨弟婦年十七，遂亦甘心守志，而曰明之婦徐氏亦肯和睦，凡事任其勞，以成弟婦之志，一家和睦，男女節義，豈非皆母之冰操，有以感動而激厲也歟哉。故喜而爲之傳。

康熙三十年歲次辛未夏月昌宏嚴之母也母名門

玉阿朱 煥撰



六。李太母傳

嘗聞地道無成，臣道無成，妻道亦無成，非無成也。正以成夫之所未成也，而要不能盡泯其實。華陽劉太翁，諱紳，太母李氏。太母自幼至劉門，卽爲家人所重。漸及長大，遂能敬舅姑，和妯娌，嚴內外，肅儀度。凡古所稱婦言、婦容、婦德、婦工，太母無不備焉。而獨年少太翁二十餘歲，太翁早歲理家艱難，辛苦而菲薄自奉，方欲大創基業以裕後昆，乃僅偕老三十餘載而賫志以歿，方斯時也，太母哀毀

之過幾致成疾。以長子早逝，長媳孀居。次子桂三，子聰勳之岳也。時俱年幼，不得已強自排闥主持家事。其中之所以善成其家者，皆不勝數。祇見勤儉自飭，詩書課孫，門閭光大，貲財充裕。視太翁時不啻倍之。今者諸福咸集，三多悉至，而壽幾八旬矣。而筋力强健，猶若壯年。日弄幼孫，嬉戲於華陽之居。而且訓飭備至，俾諸孫子諸孫婦端詳步履，稱鄉黨善人。卽勳亦得屢承名訓，盟佩不忘焉。如太母者，豈可多得哉。夫以世風之千古也，無論四

德難嫻卽克成家業亦所罕覲而太母獨能贊襄  
太翁未歿以前丕振太翁已逝之後凡太翁之所  
欲成未成者俱賴太母以成焉此豈非丈夫女哉  
勳忝絲蘿親見太母之行誼因略敘其概以誌諸  
譜俾後之人亦將有感於斯云

乾隆三十四年歲次己丑孟冬之月

郡廩生孫壻施繩勳頓首拜撰

之

子

家

彈到三十四年

新

德

大

太

燕



○壽諸節婦序

○朱母七表序

隆十一公

諱錠

字彥

器之妻也

華陽劉節婦者

河

陽朱氏之賢女也。年及笄適劉，甚得婦道。其良人不幸早世，茹苦嫠居，以節自誓。事舅姑孝，處妯娌和，脫簪珥以教子，勤紡織以作家。服淡素之衣，屏鉛華之飾。乾乾朝夕，不遑寧處。今諸孤咸迄成立，邑大夫欲聞諸朝，以旌之母。曰：不踐二庭，婦人常事耳。吾不幸失所天，恒恐覆墜先緒，無以見良

人於地下，今幸劉氏門戶弗覆於心，僅無愧於子，尚何足旌異哉？乃命子法赴官堅辭。歲癸巳，母壽七袞，元旦後四日，乃初度之辰，姻戚士咸賦詩以頌其從姪宗大宗豪，請予爲序。予謂后妃之德，共姜之節，皆以婦人光史冊，冠絕今古，蓋由其有幽貞之德，足以維持風化也。今母有懿德，未獲與共姜輩名青史，又以辭拒而弗及膺旌門之典，是何其闕然歟？雖然，母之名不欲表著，而母之實獲於天者，則已大厚矣。母之壽已躋七旬，母之子若孫，

誥誥振振捧壽卮衣斑斕繞膝稱觴豈尋常家之  
所恒有乎是宜諸士大夫鳴諸詩歌以揚挖而不  
已也是爲序

同里鄭綽書

○柯母八旬序  
今夫壽也者人生之大欲也然而不可以賄求不  
可以力攘不可以智巧營惟人之修德方可以獲  
在天之佑而加紀於冥冥之中縉雲劉母柯安人  
台望族元侍書敬仲公之孫女也歸劉門孝舅姑

和妯娌閩政蕭然一切供祭祀待賓客井井有條  
今年八月十六日壽屆八旬蒼顏白髮康強如舊  
是日也綵衣如五色之雲羣舞堦下姻戚萃止霞  
觴迭進畫燭交輝歌南山之詩以祝永齡豈非母  
之德有以致之而世間一切多財負力懷智巧者  
徒見之而羨之安得與於其數也哉

成化七年歲次辛卯八月望日

賜進士刑科給事中  
永康眷生趙良書



○鄭母賢節傳以堪閩文長浦景風於本

母鄭氏係道一百六十講宏暹公之妻也歸劉門

盡婦道一十八歲而夫亡遺孤子二長兆登年甫

二週次兆科生未逾月手攜乳哺哀哀痛哭洵難

終日賴伯父宏昌公伯母徐氏同心竭力助母青

年守節冰霜自凜矢志靡他跬步不出閩闕言笑

不形聲色惟織麻桌治絲繭勤儉操家柔順和睦

年臻七旬庭無間言訓誨二子俾各成立長子名

登邑庠品行端方次男出繼伯父才識優裕且各


蘭孫繞膝家積日殷夫母之高風勁節世所難及  
故聊綴數語以附賢傳

雍正九年歲次辛亥

關東始峰撰

鄭氏母貞節傳

鄭氏母者華陽肅九公字子榮之配也適劉門得  
婦道年十八而夫亡遺腹三月誓志守節孝事舅  
姑和諧妯娌處二叔撫孤子內外無間言勤勞紡  
織茹苦自甘洵可以壯閨闈之光而敦風化之本



矣。乾隆丙戌歲，邑主令狐公修輯縣志，搜羅境內之賢節者以登，而母與焉。迄今財產充裕，桂子成立，蘭孫繞膝，而母優游晚節，豈非母之賢而自然之報歟！勳素仰高風，夙欽令節，竊以爲如母也者，誠無愧古之共姜也已。

乾隆三十四年歲次己丑

郡廩生姪壻施繩勳頓首拜書

○華陽蕭三十六公施氏行傳

是歲之冬，有澤基施友諱成昌字素人者，余之同

年友也。邀同遊仙都，旦暮至華陽地友之姊家憇

焉。見其鶴髮蒼蒼，心竊疑之。余問曰：令姊年幾何

友曰：家姊年五十有六。予曰：何其鶴髮之蒼白乃

爾也。得毋有操心之勞乎。友曰：然。家姊命蹇，歷艱

辛而靡寧者，難以一言盡也。一十八歲而適姊丈

劉子周，舅姑年邁，侍奉辛勤，親翁先親母而逝，及

至三十七歲，而舍甥漢寶年方四齡，無何姊丈云

亡家姊柏舟自誓，上事邁姑，下撫弱子，勤劬女工，服勞紡織，焔焔寡解，內外兼治，不幸親母又亡，喪葬殯殮七次，追薦皆家姊自理，且犯官符，幸犀照安寢，續後聘娶甥媳，乃碧川國子監陳德文公之孫女也。結縈之後，幸獲甥孫之慶，年甫六歲而舍甥漢寶病亡，三載未滿，而甥媳陳氏亦逝，家姊痛哭幾欲無生，旁觀勸慰，憂無可解，髮之蒼白良有由也。予聽驚愕而嘆曰：難哉遇也！令姊家道豐裕，田園增廣，令甥已故，甥孫又幼，設無協理外事，非

惟田園不治，卽薪水不虞無缺乎。友答曰：吾姊丈在日，於程姓約得一子，名喚繼魁，存心忠厚，任事勤勞，薪水賴以無虞。今春接請親長，撥立酬勞，亦早爲之婚娶，現生男女。余歎曰：古云女中有丈夫，此言誠然也。欸賓戚而豐嗇，合宜可知其孝於舅姑，而睦妯娌也。治家務而內外肅然，可知其才能。有賢德也。聞之積德昌，後雖不獲於現在，必有望於將來。目前孫男施英雖幼，見其頭角崢嶸，他日之昌熾發祥，恢恢乎未有艾也。適值劉宅重修宗

譜施友素人囑予爲記故不鄙俚言以紀實事云

爾

乾隆四十九年歲在甲辰仲冬之吉

郡庠生眷弟丁國英頓首拜撰


岳母施氏行述

岳母施氏華陽劉肅三十六公之配也歸劉門嫻

婦道孝事舅姑和諧妯娌生男女二女乃泰之妻

也舅漢寶年甫四歲而岳翁仙遊母矢志靡他自

甘茹苦上事耄姑下撫弱子閩政肅然婦兼子職



舅姑之生養葬祭，織悉備具。母秉父嚴，後嗣之撫育教誨，委曲周詳。且勤儉操家，增置田園，興造第宅。凡岳翁之所未成者，悉能成焉。可不謂賢能乎。已而舅長，婚配陳氏，未幾卽茁蘭芽，獲男女二母。於此不禁忻然喜矣。乃無何，舅甫弱冠，夫婦相繼而逝。母仰天椎心泣，繼以血，幾欲無生。但念表姪施英年尚幼，冲強自排遣，是母之苦節固不同尋常者矣。平生性樂周恤，凡戚里族黨有無相共，緩急可通。卽如族議造祠，忻然資助。洵女中之所難。



焉。方今鶴髮蒼顏，而表姪尚少，然岐嶷不凡，異日應克光大門閥者，以母之苦節好施卜之也。泰承訓日久，無由頌揚。茲值修乘，故不揣鄙陋，聊述其生平，以綴於後。

乾隆四十九年歲在甲辰仲冬 吉旦

邑庠生子壻城西樊秦年頓首百拜謹識

男如之生春華榮華壽考其母葉父嚴

男如之生春華榮華壽考其母葉父嚴

男如之生春華榮華壽考其母葉父嚴

男如之生春華榮華壽考其母葉父嚴

男如之生春華榮華壽考其母葉父嚴

男如之生春華榮華壽考其母葉父嚴

男如之生春華榮華壽考其母葉父嚴

男如之生春華榮華壽考其母葉父嚴

男如之生春華榮華壽考其母葉父嚴



○蔣氏苦節傳言婦合平本寺高四氣數奇

夫錦繡雖麗，不敵璿玉之貞。桃李雖華，難媲松筠之操。物誠有之，人亦宜然。是故巴婦以懷清築臺，梁媛以高行錫號。式範宮壺，足千古矣。如孺人姑婆者，縱不克上媿巴婦，梁媛，而亦有靡他之矢焉。光孺人，廬川國學生蔣鳳虞公女，華陽庠生劉大彪公仲子太學祖高姑丈之淑配也。自于歸後，貞靜幽閒，虔修中饋，相夫以順，奉姑以孝。不意年二十，人熊旣夢，而未徵已失所天。斯時也，遺孤在腹，白

髮在堂。晨霜夜月，形影相弔，其悽慘將何如也。幸而吉人天相，產一男，曰崇春。孺人誓以貞信自守，致死靡它。銜哀憫鬻，姑歿，盡禮而鄰人疏戚莫不憐其苦矣。况粵匪作亂，遷吾器，焚吾居，而母子避難之苦，更有甚焉。迨旋梓後，克勤克儉，興堂構謀，冠婚厥後，崇春忻遊雍宮，連生四子。是時，喜溢門庭，可爲姑婆賀矣。無何，而崇春年三十五，竟齋志以終，僅遺四子於老母之前。嫠婦悲號，孤兒飲泣，則姑婆之苦，豈勝言哉。今年六十有四，康健在堂。

家計豐裕，蘭茁其芽，易曰：苦節亨，若可爲姑婆占之矣。柳等生也，晚不能知其詳，第聞鄉里稱揚之言，覺其嫻四德，諳三從，亦足以振厲坤道，激揚貞風也。緣是聊敘苦節，附於簡末，以俟後之孫子撫編而知之焉。是爲傳。

光緒九年歲次昭陽協洽葭月上澣 穀旦

孫壻邑庠生梅柳

表弟郡庠生田種玉同頓首拜撰

後漢書卷之二十一

後漢書卷之二十一

後漢書卷之二十一

後漢書卷之二十一

後漢書卷之二十一

後漢書卷之二十一

後漢書卷之二十一

後漢書卷之二十一

後漢書卷之二十一



縞，婦女結婚所覆之頭巾。結縞即結女

縞，葛布也。葛覃，詩經周南篇名，謂恭敬不怠之意。

○榜巖劉翁德配田老孺人節孝建坊祝辭

易占從一詩咏靡它，貞女之不事二夫，猶忠臣之不事二姓也。獨是臣之於君，捐軀易立，孤難吾以爲臣道有然，婦道亦宜之然。忠臣不數見，貞女亦罕紀也。今於榜巖劉母田老孺人遇之，孺人臚川田玉明公次女也，產於名門，嫻於姆訓，年十九于歸，咏桃夭之章，爲絺繡葛覃之職，翁獨弱冠，蜚聲黌序，宜其履偕老，乃結縞七載，而翁已云徂矣。爾時堂上姑早謝世，舅亦旣耄，膝下二男一女，未踰

齟齬零丁孤苦傷如之何孺人痛哭呼天幾不欲  
生尋乃爽然失恍然悟曰吾固不惜一死其若二  
男一女何况舅翁皤皤白髮且何以保餘年孝慈  
二字不幾多缺憾乎於是衣食備禮祭祀盡誠其  
養舅也始終無怠生則豆籩昕夕沒則窀穸春秋  
以婦道代子道其待子也恩義兼盡幼則顧復不  
遑長則防閑維謹以母道代父道也長男陳海從  
余遊早歲補弟子員次陳杰亦名列辟雍女亦適  
巨族階下玉樹且森然矣翁之孝慈無憾皆孺人



之力也。翁不可瞑目於九京乎。孺人不亦可從翁  
於地下乎。以視夫坏土未乾，身命遽殞，不顧堂上  
膝下者，其難與易何如耶。戊申修志，  
湯邑尊訪  
而錄之。且爲之旌表。今春尹余兩學師復爲上  
其狀。巍峩有日。戚友備禮以賀，乞作傳表彰之。爰  
濡毫而次其大都。至後日，世代之綿延，家業之隆  
起，雖積善必食其報，余不敢預道焉。懼諛也。

咸豐五年歲次乙卯，辜月上澣，穀旦。

通家歲進士候選儒學琴堂吳廷綸拜撰



○宋故司徒宣使劉公墓誌銘

撰人闕

公諱讓字秉恭，姓劉氏，栝之縉雲人。父敏，妣周氏。大父光，妣周氏。曾大父昂，隨父元興，公自龍游遷居邑之華陽。君承先人之志，築室買田於其鄉，性嗜學，探微窮奧，力於進修，聲實遂茂，同學皆遜避。且造履剛方，不溺物，不徇世，誠篤愷切，禮度謙恭，里巷無不罄折。淳祐癸丑，出仕司徒府宣使，慎重周謹，累有政績。將陞任，以親老辭歸。時咸淳壬申八月也。歸養日久，頗立產業，樹藝有方，田桑之屬。

穰茂過昔深得優遊林下之樂且課子教姪悉成  
 偉器及至元庚辰二月十九日卒距生嘉定庚辰  
 八月二十九日享年六十有一配趙氏合葬蓬萊  
 東北壠生子曰道寧女一適宣教郎同邑詹禮  
 一適迪功郎府城葉思齊以公之仕也而急於勇  
 退洵可為汨沒名場者式矣是為之銘曰其厥壯  
 大大溪鏗錫波濤吐吞山東有壠佳氣秀蟠窈君  
 公之日若闕至璫有燭其光賁於後昆七尺之石

鐫迹墓門

宣對隘公墓指餘

對人關

元故處士劉公子英墓誌銘  
撰人闕

劉子麟自縉雲抵京師就予徵其先人子英公墓

銘予念其遠來而亟爲秉筆焉按公諱雄子英其

字也其先人有諱存者仕至參知政事三世曰先

遷縉之華陽居焉其地曰仙都若小蓬萊者幽倩

奇絕處士之家在焉殆得勝匹矣處士固世族而

勤於學謹於行己安身守分和宗睦族無分外之

想惟存心積善以爲子孫長久之計是何其達生

履順深得吾孔之教歟吾竊見世之豪宗右族務

使威勢詐力以漁利，而獵名眩亂，反覆若飛空之  
波濤蕩激，而不知其幾極，背聖人之教，而淪於浮  
誇狂惑，而不自知。觀處士之不願外，不詭世，怡然  
而自養，其真者不爽然，自失歟。余是以樂次第其  
事而銘之。處士以至元辛巳九月二十日生，至正  
乙未二月二十日卒，得年七十有五。配徐氏，生子  
曰麟，先處士殤。麟生三子，且幼，處士撫育至婚娶，  
長大授產，然後沒。三孤曰捨，曰德，曰碩。其年十二  
月丙子，當窆於祝山頭之原。先事徵文於余，余嘗

識處士於旅邸。故其嗣子遠來而屬余也。爲

銘曰：

軍世士冒險不知退，卒入陷阱無由悔。處士固守  
真耿概，舉世機詐何能罪。有文鑄石擬於誅，我  
卒我特表於千載。

○明故萊蕪縣劉公墓誌銘

公諱鏗，字彥舉，其先衢之龍游人。有諱先者，以祖

諱存，仕金紫光祿大夫，蔭補官。右正言，遷居栝之

縉雲子孫遂爲縉雲人公大父諱鷲父諱政母李

氏公生而岐嶷稍長向學過目成誦識者偉之謂

其父曰大君門者必此子也既遊庠序雞窗風雨

刻意舉業文章警拔深到每試冠軍洪武二十二

年以例補國子生尋除鴻臚寺序班儀容峻整矩

度端嚴聲朗朗如洪鐘朝士咸欽敬之陞山東中

軍都督府斷事讞決如流人皆帖服擢知信豐縣

知縣縣素難治公下車孚以信義申以禁令而閒

懲之以刑不期月翕然從化以才力優贍更知萊



蕪信豐之民不忍其去，有挽車而下泣者。然治萊蕪，猶治信豐，萊蕪之民戴之，亦猶信豐之民也。效忠殫力，方駿駿起聲譽，不謂偶感疾，遂卒於官。士論惜之。元至正丙午二月初八日生，明洪武丁丑十一月初六日卒，年止三十有三，窆於邑確上之原。配婁氏，生丈夫子二，曰淥，曰滄；女二，長適徐世南，次適洪存嘉，俱邑世家子。公墓草宿矣，而其孫楠以墜道闕銘，來請於余。余公孫楠之外舅也，不能以陋謏辭，嗚呼宜銘。

銘曰：公大父...

志之大才之優而厥施未酬孰遑其歸賁於茲

商邱我銘貞石式昭潛幽詔公嗣人尚以承厥志

久而丕厥休


景泰元年歲次庚午夷則月望日

鄉貢進士趙廣拜書

...

...

...



○康五十六公行狀

按公諱榕字懷儀行康五十六曾大父諱鎬父諱

瀚母潘氏公牛而莊重不喜佻健屹然老成長就  
傳讀書識大義事親孝處昆弟友恭待宗族鄉黨  
有恩有識量人有犯置而不校聞人善則喜爲延  
譽聞人惡則隱不以告人宅心坦夷無機阱且慈  
祥見孤惻凍餒惻惻不忍善訓子子輅補邑庠生  
日事飭勉學行翹然補廩食餼爲士林望公景泰  
庚午六月初三日生正德戊寅九月十一日卒享

年六十有九，合葬黃履塘之原，後改屋頭之原。配徐氏賢淑貞靜，盡內助之道。男一人，輅孫男四。曰介，曰兪，曰愈，曰岳。二孫女，長適在城陳朋，次適樊琮，是為銘。

景有恩銘曰：量人育德，而不知閭人善，隕喜為悲。存之淳，故行之紓。徐大節粹然，國史可書。悲哉逝矣，不可起矣。老成典型，猶在桑梓。黃履之原，松栢茈芄，礪石琢辭，以貽後賢。

○東正十六公行狀

撰人闕

○上珍公墓記

公行正百七，諱喜琳字上珍者，宏鼎公之長子也。越至曾孫，行忠百三十九，諱朱福配麻氏有子四人曰六文六奶六金巧金俱先母而亡，祇留麻氏一人於道光六年春，因璧與叔金標飲，璧鄰丙金家，麻氏聞聲，扣門而入，含淚而告曰：余今年七十有四，染病在身，承祧無人，又無寸土，難言立後，祖宗四代禋祀不幾滅乎？日夜思維，止有土名湖背房頭田七十把，意欲托汝二人爲我積理，以爲日

後節年祭掃之資吾聽之慘然乃起而應曰既如此我當爲汝謀之次日卽邀次房三奇三房景漢四房應禮璧與叔金標丙金卽幼房也同到其家爲之設席議立交約四紙每房各存一紙以爲永遠對照事後不數日麻氏身故一切殯葬事務盡心辦理逾數年積有數金竊念其墳墓十有餘壙散處不一恐年久失稽亦予等之過也道光十一年冬至備辨石盒墳面將其數代骨骸一概收拾轉身厝下雨傘土壙合爲一墓立碑爲記面書劉

公合墓四大字，只留庵後下塔地中央一穴不移。卽於道光十二年開祭，盡其所有，本房內裔孫照丁頌胙，情同連枝。太祖庶幾禋祀綿遠，萬代傳流。先靈安妥於天上，麻氏甘心於地下。璧不揣鄙陋，聊記實事，載於譜中，以垂不朽云。

道光二十六年歲次丙午之秋

尙璧謹識

○計開約丙祭田

一土名湖背，田一坵，計秧七十把，此係歷管房頭

之田

一土名竹山頭藏塘寮基田共十一坵此係歷管

開墾之田

道光十九年冬又新買土名後井此田一坵計秧


六十把此田不在約內

此田不在約內

此田不在約內

此田不在約內

此田不在約內





○銀官漢寶二公墓誌銘

癸未之春，與二三友人遊於仙都之勝，旁有一村曰華陽者，爲劉氏聚族焉。此地山環水繞，仙踪奇跡壯麗可愛，有令人依依莫舍之思焉。因憇於祠邊旅館，適有族兄軒冕爲之重修華乘，是時矜耆交集，羣英畢至。有劉子施英爲祖父請銘，予以不文辭，矜耆僉曰：是子祖行肅三十六諱銀官，爲人渾厚，處世和平，凡遇鄉曲是非，不使其訟於官，是吾族之善人也。惜天不假以年，僅至三十三終生。

於雍正癸丑六月廿二日未時卒於乾隆乙酉正月廿九日未時配宅基施氏婦道克嫻用相夫子乾隆甲辰年間有丁國英先生作賢傳以贈之褒著譜牒班班可考生於雍正己酉十二月十三日未時卒於嘉慶丙子六月三十日申時享年八十八歲其父漢寶行義五十七狀貌魁梧資性明敏孝養父母尊敬伯叔凡長幼輩莫不以爲吾家千里駒也惜未弱冠而終生於乾隆壬午二月十六日申時卒於乾隆庚子四月初九日申時配碧川

陳氏貞靜幽閒，孝敬舅姑，和睦妯娌，內外無閒言，亦不以壽終。生於乾隆戊寅七月初四日巳時，卒於乾隆癸卯六月初四日辰時，俱葬邵弄五都騎龍脈兜山申山寅向。幸生是子，秉性正直，不欺貧，不愛富，其處鄉黨也，和而不流，其理常事也。公爾忘私，今年未服官，已有七子：長楊標，次欽相，三楊高，四松青，五松雲，六松賢，七松桂。孫李楮、李坦、炳然、李春，三代一堂，而且家業漸進，豈非其祖與父積德累功之所致乎？曷不爲之誌，予聞之，不禁喟

然嘆曰積善之家必有餘慶洵不誣也因述其概以附於簡末爰為之銘

高四銘曰

公勤婦節制行難攀騎龍之穴瓜兕之灣虎踞

來龍伏山抱水環窈窕永吉玉筍連班

道光三年歲次癸未三月上澣五穀旦

郡庠生岐山施

仁拜撰

刺刃貞

對○肅百廿九紹光翁墓誌銘

古者墓而不墳宣聖云某也東西南北之人也不  
可以弗誌也於是封之崇四尺墓之有誌自此始  
我翁諱丙炎字紹光名堯保世居仙都山之麓  
享年五十有五虔卜於道光八年閏月之吉

同安人田氏合葬於本里下雨傘花墳之右側顏  
曰山環水繞則其兆也尤不可不誌之以爲奕禩  
子孫表憶翁之爲人也黜紛華務質樸不雕不  
琢克儉克勤承先志以振家聲裕後昆以垂統緒

鄉鄰皆化於善可比彥方家門具有餘歡何殊萬石新堂構拓田疇勵一身以簡約訓諸子以詩書非所謂一鄉善士歟易曰積善之家必有餘慶書曰作善降之百祥若我里翁者其報施詎有艾哉卽觀其哲嗣五孫男八元孫六長則醇謹自飭綽有父風少則頭角崢嶸已膺物望將必入黌宮登科第以增榮宗祖皆可以翁之爲善卜之也吁嗟乎天年有限旣以壽終迄今荒煙蔓野荆棘縱橫經其墓者猶曰典型尙在矧孝子慈孫可不敬

誌之以毋忘乃祖功德乎。生忝附戚末，因述以殿於華乘，而爰爲之銘。

銘曰

鼎湖之峰，高矗太虛。其下有人，面山而居。飭躬圭璧，啓後詩書。孫子繞膝，其樂何如。

又曰

存而爲英，歿而爲靈。纍纍高塚，鬱鬱佳城。山環水抱，月白風清。窈窕旣奠，孫子昌榮。

道光二十六年歲次丙午荷月

穀旦

蘇武與李陵爭難大鄉進士眷晚生丁汝嘉拜書

石水於其由淵靜空鴻餐將手昌榮

非奔而為英髮而為靈變樂高潔嚮嚮封魁山泉

日作文曰之百祥若我


即生聖哲發指書將子熱翹其樂所收

有鼎騰之制高轟太靈其不育人面山而豈澹陳

科第縱日柔宗祖皆可以

效華乘而委為之

精之以我忘以脈與蕭平主添州風末因鼓以





吳園十四行哲三百四十九劉公墓誌銘

王表文

劉公陳琛，世居鼎湖下。吾雖不親識其人，而予掌教鼎湖學校，得聞其梗概焉。公稟性勤儉，謹言慎行，善經營，置田宅，生平不事奢華，取與無苟，資始既正，守終又令，享年六十有四，臨終顧命曰：吾有債券，不下千金，焚之以留餘地步，信如翁也。承先則爲克家之孫子，以啓後則爲創業之祖先配。丁氏生二男三女，長其安，和平慷慨，次奇芝，聰明爽利，鄉里有事，均善調停，女皆嫁名門，孫現有五。

或耕或讀，嶄然露頭角。福澤綿長，正未可量。公牛  
道光丙午五月十二日申時卒。宣統己酉六月初  
四日午時配丁氏生。咸豐戊午正月廿七日卒。宣  
統己酉正月廿六日戌時合厝板堰隔水之原。爰  
爲之銘曰：嗚呼劉公，漢高創業，名滿寰中。徒手  
成家，大小攸同。馮煖焚券，事可爲則。仁人一言，衆  
被其德。善是誰積，福是誰得。春秋祭祀，恩莫報之。  
滄桑變易，銘以留之。

民國十四年冬月 白縣立第三小學校長王秉文撰

行哲四百八十四公行狀

古云人有一得可敘者必有錄以垂厥後况先生兼有衆善烏可聽其淹沒不彰哉先生劉氏諱先

中公後裔名思城字良生仙都人也幼喜讀書長精

堪輿性儉樸不尚浮華然遇公益事則不惜財力精力以成厥功如輔修柳洲橋倡建玉屏橋督築筍川堤防墾田闢土以謀永久利益近又經修華陽祖廟加豐祀典以展不匱之恩先生之出言剛直遇有鼠牙雀角一言勸解渙然冰釋故人皆尊

重之。壬子歲，公推爲自治議員，可稱得人。原配胡氏，繼配徐氏，二安人性俱柔順，嫻姆儀，壺範堪稱。子二，可稱跨竈孫男，亦品格非凡。吉人天相，信不誣也。茲屆盛族重修華乘川輿先生交最稔，頗知一生事績，爰不自揣無文，聊書大概，以彰厥德云。

中華民國十四年歲次乙丑一陽月上澣

兼育衆善爲何顯其德也 眷晚生鄭奠川拜撰

古云人育一物何始者必育給以垂恩於此也

民國十科普四百八十四公行狀

○行哲四百五十四陳欽公行狀

劉公

諱

陳欽

字

祖基

世居鼎湖之下

少力田疇

能

繩父業

長有餘裕

納資坐監爲人渾厚儉樸有古

人風凡鄉村有善舉均能助其力現年六十一歲夫婦齊眉生三子長次業農幼讀現在處州中學肄業婚配畢具孫三孫女二合家大小無詬誶聲兄友弟恭妯娌和穆盡人事之宜得天倫之樂合老子知足之戒吾將送以康衢老人擊壤之歌并華封人三多之祝

中華民國十四年歲次乙丑上澣 吉日

縣立第三高小學校校長王秉文拜撰

呈文策恭賦賦味懸蓋人專之宜於天倫之樂今

藝業敬適畢具將三將文正合家大小無不稱頌

夫淑後昌坐三千拜太業興也龍賦亦豈微小學

中夫風興聯博育善舉世謂世其代旺乎六十一歲

聯父業身育翁翁聯資坐蓋為人戰戰兢兢育古

墜公焉 刺燈字脈基世昂鼎腦之不少代田翻韻

○ 行昔四百五十四刺燈公行狀

聖○謀百九十五公行略

蓋以積之者厚，流之者光，人事也。天道也。而爲人之可以傳後者，概不出是。故人不必表表於當時也，亦不必藉藉於衆口也。而存心厚，與物厚，出言厚，制事厚，一切處世無乎不厚，是謂積之厚。由是和氣致祥，必有餘慶。子傳子，孫傳孫，爲鳳毛，爲麟趾，宜爾振振，多則揖揖，世澤綿長，克昌厥後，是謂流之光。下洋劉成烈先生以農爲業，請學稼，請學圃，亦爲聖門之高第。農之爲業，其將有志於是乎。

况稼穡樹藝實爲周德所發祥不違農時而穀不  
可勝食又爲王道所由始農之爲務大矣哉課甬  
占晴出作入息要惟以積善爲主積善則能積厚  
先生業雖務農而志在爲善出入相友守望相助  
疾病相扶持其里黨則親而睦也之其所親愛之  
其所畏敬之其所哀矜其酬酢則溥而公也勤以  
作事儉以持家遂致置有腴田積爲恒產厚莫厚  
於此矣德配鄭氏昧旦雞鳴交相警助懿兼四德  
垂之母型生子四惜長男銀貴早世而次男必勝



三男必達，四男必明，兄弟既翕，和樂且耽，笙簧譜白  
華，詩賡棠棣，盡孝事，諧友恭，靡不順父母之心，而  
承堂構之緒，繼而分爨，各自成家，又各自立業，今  
則諸孫林立，現十有三，至有發起書香者矣。學堂  
畢業，斐然成章，非所謂流之光乎。要皆先生之積  
厚，有以致之也。先生在世，享壽七十有三歲，蓋作  
古十餘年矣。而流連往復，溯厥芳徽，愛我田家，而  
綽有餘裕，傳之繼起，而詒厥孫謀，其積厚也。其流  
光也。草莽之中，晏然自得，桑梓之內，著以休稱，乃

知人之所以可傳者，惟此積厚之心，與積厚之事。既有以裕我身家，更有以詒我孫子，綏以多福降之百祥，豈偶然哉！後嗣之熾昌，先人之庇蔭也。先生往矣，積厚流光，以今觀之，尤信。

中華民國十四年歲次乙丑孟冬月

隕齋蘇州同銜乙酉科拔貢東屏樊保躬謹撰

承堂辭之餘，謝而後，樊谷自勉，求又谷自立業，今

華精製棠赫，盡率專諧，文恭，不貳，父世文，心而

三畏心，豈四畏心，朋只，後，趙，念，味，樂，且，順，筆，請，白

○行謀二百四十三雲多公傳

劉公例貢生

講

雲多

字

世信者

勤儉

成家人也

公

幼當匪亂既孤且貧與母氏虞出逃於外者三年

既歸家燹盡擇穀捋茶而食之幸有祖遺田畝百

餘秧而藏牛一頭又被餘匪撞而奪斯謀生不暇

曷言成家乃公遵母命矢志儉勤不慕浮華惟力

耕作既枵腹無饑矣遂走鄰館勤夜讀預備成家

所會計厥後家食漸裕家財漸豐遂因而娶妻而

造屋置買田產增至二千餘秧而儉勤仍不懈又

能理墳墓以安祖宗，延師傅以教孫子。冠婚喪祭，  
色色如禮，無負於人。尙添補之，有恩於己，厚圖報  
之。鄰右婚姻，孔云洽比，尤可異者。廟宇橋梁，有來  
於家，談捐助者，公每作東道主，輒自樂輸以爲倡。  
若不自知其財之創自艱辛者，夫由艱辛而饒裕，  
往往慳吝卑鄙，并自奉不敢稍肥。公乃取之於家，  
以逮夫有仰於家者，竟若固有之。斯真勤儉之完  
人，成家之令主也。耶。前日輸粟於朝，例膺榮貢。一  
時戚族所切勸，矩以漢制孝弟力田科，惟公乃克

堪今也年邁古稀精神矍鑠與德配丁氏太安人  
白髮齊眉是誠勤儉所琢磨也生子一女三而若  
孫若甥誰和繞膝是又成家之現象也環而顧之  
回而思之不亦怡然大可樂也耶純續任筍川教  
員校長盧玉君公令嗣令孫恬欣又與純男堅本  
秋同升處郡中學師範部因得頻瞻公面而飡聞  
公行也緣不忝無文特傳之以識景仰云

中華民國十四年歲次乙丑小陽月上澣 穀旦

忝晚弟邑庠生項德純盥手拜撰

能理增廣以泰紳策身率主政懸蘇監



中華員國士四秉憲太區丘小國民土第



必符心慈不忝無文卦幹之以燭景時元

殊同代歲縣中學和強勝因幹賦韻公面而殆聞

員外員為王孫公介融合將部杖又與民望本

國極厚多不恭計然夫何樂出唯公難升龍伏楚

蘇蘇既猶味蘇蘇且又如寒之既樂出聚而顯之

白變齊員基結儘愈視狂奮出主千一文三而苦

數今出羊戲古絲蘇帳變冠與翁酒下升太安友

○行謀三百十四子祥公行傳

自民國鼎革以還，世風日下，禮防大潰，士皆習於詐僞。若夫居風氣之中，不爲潮流所驅，粹然獨葆其天真者，吾於叔祖之外，罕覩其人焉。叔祖爲華陽行哲二百一公，諱明河之仲子，名慶來，署煥倫子，祥其號也。幼聰穎，喜讀書，年十二，偕從兄紹琨受業於母舅松溪歲進士鄭公，選青之門。鄭公學完行高，其設教也，以道德爲體，文藝爲用。叔祖親炙之，日久耳濡目染，受益獨多，故其學識操守，能

自別於流俗，良有以也。年二十三，中博士弟子員。爲經濟所迫，遂受徒里中。因得以上事椿萱，下教子女，享受家庭之樂者三十餘年。迨宣統二年，國家改行新政，任初選省議員選舉權調查員。民國十年，第三屆省議會改選，被舉爲初選省議員。性剛而正，臨事必以義理爲衡，不趨炎附勢，無黨同伐異，不畏強禦，不欺貧弱。鄉里有紛爭，評其是非，曲直之所在，人皆情服。遇有公益事，請主其政，若分內事，未嘗少却。夙精岐黃術，無貧富貴賤，延之



輒往。可醫則與之醫，不居功，不望報。遇有險症，不可治，則不妄與之治，必告之以延他醫，非若世之業此以弋利者，而以人命爲試也。噫，非賢者孰能如斯。德配鄭氏，聰敏善順，動有禮法，內助堪稱。今與叔祖年各屆六旬，太夫人猶皤然在堂，夫婦奉之惟謹，有子女各二，長子嵩高，與余同庚，同學，爲莫逆交。次嵩嶽，從事農業，簡默誠樸，有祖父風。長女適胡，少女適李，皆臣族也。孫男孫女各六，年俱幼，並誌於此。

中華民國十四年歲次乙丑一陽月上澣 穀旦

文獻昭著 文德李皆曰 燕出 軒畏 仙都散人撰

莫茲交 太嵩 嶽炎 事 業 簡 潔 精 粹 育 脈 父 風 是

文 華 韜 育 于 文 谷 二 昇 平 嵩 高 與 余 同 夷 國 學 為


與 殊 脈 乎 各 風 夫 同 太 夫 人 餘 謝 然 亦 堂 夫 誠 奉

暇 湛 露 瞻 瞻 刃 顯 難 善 願 博 育 甄 考 內 樹 基 樞 合

業 其 以 美 脉 濟 而 以 人 命 為 始 出 勳 非 寶 香 德 誦

尚 欲 順 不 妄 與 之 尚 必 皆 之 以 或 出 醫 非 甚 其 女

神 卦 何 響 順 與 之 醫 不 出 女 不 望 辟 嚴 亦 劍 燕 不



○行聖百三十七超羣公傳

近來諸縉紳先生替鄉老們作傳，大都以極圓渾的門面話來充他篇幅，所以他們作的傳，彼此格調都差不多，措詞也沒有十分相異。這種印版式的文章，無論是否合於體裁，讀了總使人覺得難信。我現在替叔父作傳，如叔父事太夫人怎樣孝順，教子怎樣有方，德配怎樣賢會，幼時怎樣孤苦，怎樣聰慧，不膝下子幾，孫幾，立孫幾，子孫之中，誰誰耕，誰誰

此以紅色標點為准  
(此以墨汁標點為准)

此位除名

讀，誰是忠厚，誰是秀出等等，中凡是縉紳先生視爲作傳，至寶貴，至難得材料的，概不與書，祇就他自身着着實實說了幾句。林叔父名驥，字超羣，原名錫芝，世居華陽。父今年六十有一，是一個無權無職的百姓，合生平沒有甚麼轟轟烈烈的事蹟。他的善行不過如此：一、居心仁愛，二、利不苟取，三、熱心公益，四、善於調停，五、長於交濟，六、善理公產。以上六善行各有許多事實，就調停和公益兩項，

若使長於文辭的縉紳先生演述起來，必累千  
百言不能休。但叔父是不喜人褒獎的，我這  
幾句老實話，他或者倒以爲很對。故敢與如  
此一述。

中華民國十四年歲次乙丑一陽月上澣 穀旦

仙都散人撰



○行哲又三百九十公丁氏節孝傳

節婦丁氏石筍前劉從哲之妻賦性嚴毅少閑姆  
儀年十五歸劉確守婦道不辭艱辛節制謹度佐  
夫成業十餘年夫膺痲疾湯藥親嘗至忘櫛沐夫  
病不起痛失所天水漿不入口固願以死殉也但  
念一子四女飡爨在疚不茹茶飲冰苟活人間以  
撫其孤苦莫慰泉下心于是縞衣素裳經紀家政  
治內而兼理外慈母且當嚴君民國甲子乃受旌  
表曰芳徽永式念其空瓶冷淡篝火淒涼多歷寒

暑于茲矣。迨年近六秩，桂子承顏，蘭孫繞膝，似可破涕爲歡。節婦猶不苟言笑，靜室闇傷，每致吞聲飲泣。以去年民國甲子三月十九日巳時卒，享年五十七歲。節婦之慕其夫，非如大孝之終身慕父母者歟。盛族重修玉牒，爰紀其節之有關於名教者，俾附諸簡，以爲後世觀感云。

中華民國十四年歲次乙丑小陽月上澣吉日

邑庠生王肅夫撰

○ 許 許 又 三 百 六 十 八 丁 丑 贈 奉 勳



○行謀百四十六公淑配鄭氏節孝傳

易曰男正位乎外，女正位乎內，男女正，天地之大義也。禮云：夫無再娶之文，正位乎外也；婦無二適之義，正位乎內也。貞女不事二夫，其貞心所著，雖古之忠臣烈士，浩氣丹心，足以塞兩間而昭千古者，亦未遑多讓。宜其為鄰里所矜式，朝廷之所褒獎也。華陽劉氏向之同宗者也。行謀百四十六講祖培公髮配鄭氏初生一女，行年三十一。五月廿五日生一子，六月廿一日祖培公已仙逝矣。斯

秉耒橫經，手執農具，捧着书本之意。

時也。鄭氏以青年而失所天，悲號痛哭，將欲以身殉之。然孤兒方離于裏，其如此呱呱者，何於是節哀育孤，抱冰雪之心，勵松筠之節。上孝翁姑，下協妯娌，熊丸勗學，孟機之教，維嚴萱室承歡，寶氏之芳亦烈。鄭氏年登八十九，於民國十一年秋壽終內寢，守五十九年之苦節，完璧無瑕，人無間言。念彼璇閨，昭茲彤管，固足以磨礪薄俗，鍼砭澆風矣。迄今男錫芝年逾杖鄉，樂善好施，孫理楷、理燮、曾孫世榮、世紳，皆秉耒橫經，勤務耕讀，玄孫日升，嶄

然現頭角。五世堂開一門鼎盛。此非天所以報鄭氏節孝之大德歟。民國癸亥冬，縉雲縣知事周公廬舉事實上之大吏，特請省長褒賜節孝匾額。松筠比操，永垂不朽。此不特宗族之榮，抑亦閭里之光也。茲因望族重修宗譜，爰敘其事實而爲之傳。

中華民國十四年歲次旃蒙赤奮若菊月上澣吉日  
清歲貢生劉思向謹撰

時也節氏以青年而失所天悲號痛

廟之然孤兒方離子哀辭蓋貢主墜

中葉五國十四年歲太補業亦奮昔蘇氏土翰吉且

翰想係在勤學孟機之教維嚴章室承其寶氏之

之次出茲因望烈重赴宗齋矣餘其事實而為之

林遊此難亦垂不味此不林宗燕之榮叶亦聞里

顯舉車寶士之大吏採齋 省身表顯贈奉國贈

丹翰萃之大齋煥另因癸亥冬餘雲線味事臥公

然莊顯角正世堂開一門鼎益批我天洞以辨廣



五十自述

奇芝

余年已五十，聊將過去之生活，作一番總檢討。

一 余世居縉雲仙都，母丁氏生二子三女，余在兄弟，行居第二，同姊妹居第五。自曾祖以降，皆從事工商，爲人均敦厚正直，勤儉自持，余兄弟能不爲末俗所染者，全賴家風之薰陶。

七歲，母命入村塾，十歲與兄就學於母舅丁表東先生。先生德高學邃，授以四子書，講解詳盡，獲益頗多。翌年先生逝世，遂輟學，而所學亦漸廢。

命年十五兄命肄業縣三高等小學未卒業父母相繼見背學業卽此終結

妻黃氏余長姊之姑也性頗溫順撫育子五女

二二男子琳中學畢業四男彥琳小學畢業抗戰

軍興先後從戎民國三十年彥琳殉於福州之役

戚友皆爲痛悼余以爲國效命死得其所矣

三十歲後余於思想上爲一划時期之變換是時

雖未能完全致身於社會事業然已了解家庭與

社會之關係並確立服務社會之信念三十六歲

任整理仙都名勝委員會委員，並發起採集鼎湖  
峯藥材，價賣以充整理經費。四十歲創辦仙都合  
作社，初鄉人未知合作意義，贊助寥寥，障礙層層，  
經年餘之苦鬥，與宣釋社屋遂告落成，業務亦漸  
進展。本社爲縉邑合作事業之濫觴，其困難早在  
意料之中，故不顧毀譽而爲之。

民二十七年，被選爲本鄉鄉長，兼任鄉衛生事  
務省衛生處陳處長萬里，謬加稱許，寵飾鄉里之  
光四字。

年來余以生產與抗建關係迫切，乃從事墾荒造林築堤諸事業，並抱定陳嘉庚失敗非可恥，畏懼失敗是可恥之決心以赴之，成敗利鈍非所計也。

中華民國三十三年歲次甲申 孟秋月



謀三百七十七彥中先生傳

先生諱達昌名其英字彥中仙都新屋庄人幼習  
儒業涉獵經史洽聞淵博善屬文每有著述必引  
古證今肆筆而成文章應童子試時受題策論時  
事爲意精密爲文周詳因限於卷幅書及其端以  
觸場規落第上有所問必竭其所知以對不計功  
名利祿之得失卽此可以見其忠亦可以見其誠  
也然先生爲當時取士事愈知清室不足與圖存  
矣是時倡新政者出遂客杭垣與革命諸先輩遊

由砲工學校畢業派往浙江陸軍第一師服務旋復連任憲兵教練所所長嗣調嘉興任第一連連長民國九年轉送入北京憲兵學校肄業學成返浙任憲兵司令部少校副官在職恭恪爲上官器重馭下嚴明以敬業樂羣爲設教主旨始終如一不稍變易此先生矢志於軍警教育陶鑄英才以自報效於國也天性寧靜淡泊寡交遊所交遊者必益友誼亦異於常人訥口若不能言如言得其時或稱其人亦侃侃成章人恒視爲大辯若訥者

生平唯嗜書法，喜作漢隸，有暇常閉戶焚香臨池。危坐常佩柳公權心正筆正之語，力主端謹。所作書筆力穩健，氣如璞玉，深得漢代名家意。偶出遊見肆上有名碑古搨，求之不計所值，有時或困於資力，亦留戀不忍去。再往觀而仍存者，則喜，否則嗒然若有所失。其愛之也若是，故家藏碑帖甚豐，以爲自娛，它非所好也。中年後體弱多病，時纏牀蓐，有謂先生嗜書亦爲致病之源，不爲無因也。古人謂不知年數之不足也，儉焉，日有孳孳，斃而後

已足爲先生道矣。民十六年冬，病逝杭垣，歸厝於祖里朱山之陽。時年僅四十有九。善人不壽，誠爲世惜。其夫人同邑澤磯施氏，名門女也。以先生恬澹成性，不願累以繁瑣家務，鉅細悉由任。溫恭慈祥，尤爲知者之所稱道。縉邑僻處萬山中，民初時，在外已任事者寥若晨星，自得先生與三鄉先輩援引後，赴省求學或謀事者日衆，以此亦嘗有顛連無告者，往見夫人，夫人必爲先生餉以酒食，濟以資斧，而先生亦樂從之。迄今猶多感之者。夫

人之於先生實相輔而有成也。宗與先生之族人  
劉君漢業昆仲善，亦與先生之戚徐子勉先生善，  
故爲先生夫婦之德行嘗有所聞，且有感於近來  
世風日下，正欲由揚善以勸俗。若先生之潛德幽  
光已垂不朽，其揚也固無待於末學。茲欲藉先生  
以勸世人耳。故敢謹爲之傳。

中華民國三十三年歲次甲申孟秋之吉

晚胡炳宗敬撰

中華以國三十三平歲太甲申孟煉之吉

以禮冊人其始煉氣之節


光日垂不群其巽出因無存然末學茲為難哉乎

世和日不五煇由巽善以禮器器其主之聖

誠益決法夫誠之勝於尊存和聞且育烈氣也

隱據斯業其特善也與夫平之烈氣平感決半

人之然表其真味而存以世一與夫空之為人



施氏母傳

施氏母者，宅基金鳳翁之長女，騰雲先生之妹，卽仙都新屋族叔諱達昌之配也。性和緩，貌端莊，才識兼備，德行齊全，耳其名者，靡不嘖嘖稱羨。民元初，吾緡旅杭，難以數計，或謀差，或遊學，恒往來叔家。母治疏食，殷勤勿懈，其落拓無依，輒飲助資斧，俾作歸計。叔工書法，筆力蒼勁，遐邇聞名，踵門求書，帑如山積。叔本身弱，加以終日執筆不休，力倦神疲，難免病生。母勸休養，遂絕筆。民三正月，母產

杭生不啻掌上珠。厥後家移同鄉會，叔於北隅隙地雜種花木，奇詭異卉，到處搜羅，不惜重價。四時開放不斷，洵可觀也。叔公暇回園，撩絲澆水，剗草捕蟲，工作頗殷。母恐過勞，時相輔助。民十三，余赴杭醫病，寄寓伊家半載，他倆待余猶子。回憶往事，宛然在目。民十五，國軍南下，政界各人，叔素相契，母設燕歡迎，席上敘舊，叫叔選擇縣長，叔再三推辭，眾大義勸勉，叔度德量力，自承紹興警察所長。孰意樂極悲生，甫蒞任，二豎相侵，寒熱交作，叠假



養病未允，先回延醫診治，百藥罔效。母朝夕調理，衣不解帶，卧不安席者年餘，奄奄一息，不絕如縷。

至民十六十一月十一夜半，竟與世長辭。母悲號

哭泣，慘不成聲。際此之時，舉目無親，一切棺木衣

衾殯斂，親自排遣。各盡厥宜，子母在杭，形影相依。

誰憐寂寞，服闋母扶柩返里。水陸舟車，行裝搬運，

隨路憂心。到家停櫬於朱山之麓，俟覓牛眠擇吉。

以厝焉。旋建厦屋於宅川，顏曰彭城別墅。凡鳩工

庀材，審形度勢，母親自計劃，結構之新奇，布置之

適宜具有天然理致，皆一般人所不及。他如賑災、濟貧、造橋、修路等事，母皆竭力倡助。現杭生弟和陳氏弟婦俱柔順孝敬，日侍左右，已產孫男二孫女一，依依膝前，晚景堪娛。叔若有知，亦當含笑地下矣。爰書數語，以誌母之行誼焉。

民國三十三年中秋月

族姪松高謹撰

